

## **Kalaallit Nunaanni sulisilluni ajoqusersinnaanermut isumannaarineq pillugu inatsisip allanngortinneqarnissaa pillugu**

### **inatsisissatut siunnersuut**

(Arbejdsskadestyrelsen sulissaasa suliffeqarfimmut imminut pigisumut Arbejdsmarkedets Erhvervssikringimut nuunneqarnerisa kiisalu Arbejdsmarkedets Erhvervssygdomssikringip atorunnaarsinneqarnerata kinguneranik allannguinerit)

#### **§ 1**

Kalaallit Nunaanni sulisilluni ajoqusersinnaanermut isumannaarineq pillugu inatsit nr. 1528, 21. december 2010-meersumi, inatsit nr. 1568, 15. december 2015-imeersukkut allanngortinneqartumi, tulliuttut allannguutigineqarput:

1. § 1, *imm.* 2-mi aamma § 47, *imm.* 2-mi marloriarluni ”, Arbejdsmarkedets Erhvervssygdomssikring” peerneqarpoq.

2. § 3, *imm.* 1 nr. 1-imi ”aamma” peerneqarpoq.

3. § 3, *imm.* 1, nr. 2-mi ”sungiusaammik sulineq il.il.” allanngortinneqarpoq ”sungiusaammik sulineq il.il. aamma”-nngorlugu

4. § 3, *imm.* 1-imi ilanngunneqassaaq:

”3) inuit sulisitsisuminnik sullissillutik nunamut allamut suliaritorallartitaasut.”

5. § 3, *imm.* 2, atorunnaarpoq.

**6.** § 7, imm. 1 nr. 1, oqaaseqatigiit pingajuanni ”Arbejdsskadesstyrelsen” pisortaa isumaqatigiinniareerluni aalajagersassavaa” allanngortinneqassaaq imaalillugu: ”-ip inassuteqareerneratigut suliaaqqartitsinermut ministeri aalajangersaassaaq.”

**7.** § 7, imm. 3, oqaaseqatigiit aappaanni, § 15, imm. 1, oqaaseqatigiinni siullerni, § 16, imm. 2-mi, § 21, imm. 3-mi, § 30, imm. 2 aamma 3-mi, § 35, imm. 4, oqaaseqatigiinni siullerni, § 37, imm. 1-imi, § 38-mi, § 41, imm. 1-imi, imm. 2-mi oqaaseqatigiit siullianni pingajuannilu, aamma imm 3, oqaaseqatigiit siullianni, § 43, imm. 1 oqaaseqatigiit siullianni aamma pingajuanni, imm. 3-mi, aamma imm. 4-mi oqaaseqatigiit siullianni marloriarluni, § 44, imm. 1-imi oqaaseqatigiit siullianni aamma aappaanni, aamma imm. 2-mi oqaaseqatigiit aappaanni, § 45, imm. 1 aamma 2-mi, § 46, imm.2-mi, § 47, imm. 2-mi marloriarluni, § 49, imm. 5-imi, imm. 6-imi oqaaseqatigiit siullianni aamma aappaanni, aamma imm. 7-imi, § 51-imi, § 52, imm. 6-imi oqaaseqatigiit aappaanni, § 53, imm. 2-mi oqaaseqatigiit aappaanni, aamma imm. 4-imi oqaaseqatigiit siullianni, § 55, oqaaseqatigiit aappaanni aamma pingajuanni siullermeertumi, § 56, imm. 1-imi, imm. 2-mi marloriarluni, oqaaseqatigiit siullianni aappaannilu, aamma imm. 3-mi aamma 4-mi, § 59, imm. 1, oqaaseqatigiit siullianni aamma aappaanni marloriarluni aamma imm. 2-mi, § 62, imm. 2 aamma 3-mi, § 65, oqaaseqatigiit siullianni, § 67, imm. 1-imi, aamma § 74, imm. 1-imi marloriarluni,”Arbejdsskadestyrelsen” allanngortinneqassaaq ”Arbejdsmarkedets Erhvervssikring”-inngorlugu.

**8.** § 14, imm. 6 aamma 7-imi, § 28, imm. 2-mi oqaaseqatigiit aappaanni, aamma imm. 7-imi, § 31, imm. 4-mi oqaaseqatigiit pingajuanni, § 39, imm. 1 aamma 2-mi, aamma imm. 3-mi oqaaseqatigiit siullianni aappaannilu, § 43, imm. 5-imi, § 49, imm. 8-mi, aamma § 69-imi ”Arbejdsskadestyrelsen” pisortaa” allanngortinneqassaaq ”suliaaqqartitsinermut ministeri”-nngorlugu.

**9.** § 14, imm. 7-imi, § ”aamma Arbejdsmarkedets Erhvervssygdomssikringip” peerneqarpoq.

**10.** § 29, imm. 4, oqaaseqatigiinni siullerni ”Arbejdsskadestyrelsen” pisortaaata ... nalunaarutigisassavaa” allanngortinneqarpoq ”Arbejdsmarkedets Erhvervssikringip siulersuisuisa inassuteqareernerisigut ... suliaaqqartitsinermut ministerip nalunaarutigisassavaa”-nngorlugu.

**11.** § 30, imm. 2-mi ”Arbejdsmarkedets Erhvervssygdomssikring” allanngortinneqarpoq, ”imaluunniit sulisilluni ajoqusersinnaanermut isumannaarineq pillugu inatsimmi § 55 malillugu tapiissutinit”-nngorlugu.

**12.** § 30, *imm. 3-mi* ”Arbejdsmarkedets Erhvervssygdomssikring” allangortinneqarpoq, ”imaluunniit sulisilluni ajoqusersinnaanermut isumannaarineq pillugu inatsimmi § 55 malillugu tapiissutinit”-nngorlugu.

**13.** § 32, *imm. 3-mi oqaaseqatigiit aappaanni* aamma § 33, *imm. 2-mi oqaaseqatigiit aappaanni* ”Arbejdsmarkedets Erhvervssygdomssikring” allangortinneqarpoq, ”imaluunniit sulisilluni ajoqusersinnaanermut isumannaarineq pillugu inatsimmi § 55 malillugu tapiissutinit”-nngorlugu.

**14.** § 33, *imm. 1, oqaaseqatigiit siullianni*, aamma, *imm. 2, oqaaseqatigiit siullianni*, § 43, *imm. 2, oqaaseqatigiit tallimaanni*, kiisalu §52, *imm. 6, oqaaseqatigiit sisamaanni* ”Arbejdsmarkedets Erhvervssygdomssikring” allangortinneqarpoq ”sulisilluni ajoqusersinnaanermut isumannaarineq pillugu inatsimmi § 55 malillugu tapiissutinit”-inngorlugu.

**15.** § 39, *imm. 2-mi* ”Arbejdsmarkedets Erhvervssygdomssikring” peerneqarpoq.

**16.** § 39, *imm. 4-mi*, § 43, *imm. 4-mi oqaaseqatigiinni siullerni aappaannilu*, § 53, *imm. 1-imi oqaaseqatigiit aappaanni*, § 60, *imm. 1-imi*, *imm. 2 aamma 3-mi marloriarluni*, kiisalu *imm 4-mi*, § 61, *imm. 1-imi oqaaseqatigiit aappaanni*, aamma *imm. 3-5-imi*, § 62, *imm. 2, 4 aamma 5-imi*, kiisalu § 75, *imm. 1 aamma 2-mi* ”Arbejdsmarkedets Erhvervssygdomssikring” allangortinneqarpoq ”Arbejdsmarkedets Erhvervssikring”-inngorlugu.

**17.** § 41, *imm. 2, oqaaseqatigiinni siullermi*, aamma § 43, *imm. 1, oqaaseqatigiit pingajuanni* ”styrelsip” allangortinneqarpoq ”Arbejdsmarkedets Erhvervssikringip”-inngorlugu.

**18.** § 43, *imm. 1-imi, oqaaseqatigiit pingajuanni*, aamma *imm. 2-mi oqaaseqatigiit siullianni*, § 46, *imm. 1 aamma 2-mi*, § 47, *imm. 1-imi*, § 49, *imm. 1-imi aamma imm. 4-mi* kiisalu § 53, *imm. 4-mi* ”Arbejdsskadestyrelsen” allangortinneqarpoq ”Arbejdsmarkedets Erhvervssikringip”-inngorlugu.

**19.** § 49, *imm. 1, nr. 3-mi* aamma *imm. 4-mi* ”Arbejdsmarkedets Erhvervssygdomssikring” allangortinneqarpoq ”Arbejdsmarkedets Tillægspensionimi siulersuisut”-inngorlugu.

**20.** § 49, *imm. 4-mi* oqaaseqatigiittut nutaatut ilanngunneqassapput:

”Ingerlatsinermut inatsimmi kapitali 4 malillugu Arbejdsmarkedets Erhvervssikringip aamma Ankestyrelsip suliaannut Arbejdsmarkedets Tillægspensionimut siulersuisut takunnissinnaatitaapput.”

**21.** § 50-mi ”Arbejdsmarkedets Erhvervssygdomssikringip” allangortinneqarpoq ”§§ 60-65 malillugit Arbejdsmarkedets Erhvervssikringip aalajangiinerinut”-inngorlugu.

**22.** § 52, *imm. 1*-imi *oqaaseqatigiit aappaanni* aamma *imm. 2*-mi ”Arbejdsmarkedets Erhvervssygdomssikring” allangortinneqarpoq ”Arbejdsmarkedets Erhvervssikring, tak. Arbejdsmarkedets Erhvervssikring pillugu inatsimmi § 3”-nngorlugu.

**23.** § 52, *imm. 6*, *oqaaseqatigiit pingajuanni* ”Arbejdsskadestyrelsip Finanstilsyni suleqatigalugu” allangortinneqarpoq ”Arbejdsmarkedets Erhvervssikringip Finanstilsyni suleqatigalugu”-inngorlugu.

**24.** § 52, *imm. 6*, *oqaaseqatigiit tallimaat arfernallu* atorunnaarsinneqarput, taarsiullugu ilanngunneqarpoq: ”Arbejdsmarkedets Erhvervssikringip aningaasartuutit inuussutissarsiummut nuussavai, sunniuteqarnerup qanoq ittuunera, qanoq sakkortutiginera tamatumalu qanoq sivistiginera mianeralugit”.

**25.** § 53, *imm. 1*, *oqaaseqatigiit sisamaat tallimaallu* atorunnaarsinneqarput, taarsiullugu ilanngunneqarpoq:

”Arbejdsmarkedets Erhvervssikringip aningaasartuutit inuussutissarsiummut nuussavai, sunniuteqarnerup qanoq ittuunera, qanoq sakkortutiginera tamatumalu qanoq sivistiginera mianeralugit”.

**26.** § 53, *imm. 5*-imi ”Arbejdsmarkedets Erhvervssygdomssikringip” allangortinneqarpoq ”Arbejdsmarkedets Erhvervssikringip”-inngorlugu.

**27.** § 53, *imm. 8*, *oqaaseqatigiit aappaat*, imatut oqaasertalerneqassaaq:

”Sulinikkut nappaatitigut ajoqusernermut taamatut ittunut Arbejdsmarkedets Erhvervssikring inatsit malillugu akiliuteqassaaq, tak. Sulisilluni ajoqusersinnaanermut isumannaarineq pillugu inatsimmi § 55”.

**28. § 54 sioqqullugu qulequtaq** imatut oqaasertalerneqassaaq:

*”Sulisilluni ajoqusernerit”*

**29. § 55, oqaaseqatigiit pingajuanni,** ”Arbejdsskadestyrelsen Finansstilsyni suleqatigalugu” allangortinneqassaaq, ”Arbejdsmarkedets Erhvervssikringip siulersuisa Finansstilsyni suleqatigalugu inassuteqareernerisigut suliassaqartitsinermut ministerip”-inngorlugu.

**30. § 60 sioqqullugu qulequtaq** ima oqaasertalerneqassaaq:

*”Inuussutissarsiornermit nappaatit”*

**31. § 61, imm. 1, oqaaseqatiginni siullerni** ”Arbejdsmarkedets Erhvervssygdomssikringip siulersuisuisa aalajangersassavaat” allangortinneqarpoq ”Arbejdsmarkedets Erhvervssikringip siulersuisuisa inassuteqareernerisigut suliassaqartitsinermut ministerip aalajangersassavai”-inngorlugu.

**32. § 62, imm. 1-imi** ”Arbejdsmarkedets Erhvervssygdomssikringimit” allangortinneqarpoq ”sulisilluni ajoqusersinnaanermut isumannaarineq pillugu inatsimmi § 55 malillugu Arbejdsmarkedets Erhvervssikringimit”-inngorlugu.

**33. § 63 sioqqullugu qulequtaq** atorunnaarsinneqarpoq.

**34. § 63-imi** ”Arbejdsmarkedets Erhvervssygdomssikringimut” allangortinneqarpoq ”Arbejdsmarkedets Erhvervssikring, tak. Arbejdsmarkedets Erhvervssikring pillugu inatsimmi § 3”-inngorlugu.

**35. § 64** imatut oqaasertalerneqassaaq:

**”§ 64.** Pissutsinik inatsimmut ilaasunik Arbejdsmarkedets Erhvervssikringip aamma

Ankestyrelsip allaffissornikkut aqutsinermut aningaasartuutaat, tulliuttunit aningaasalersorneqassapput.

- 1) Sillimmasiisarfiit, suliani sulisilluni ajoqusernermut pineqartunut tunngasuni sulinermi ajutoornernut sillimmasiisartut, aamma
- 2) Sulinermit nappaateqalernermit aningaasartuutit aningaasalersornerannut atatillugu tapiissutit ilaattut Arbejdsmarkedets Erhvervssikringimit, tak sulisilluni ajoqusersinnaanermut isumannaarineq pillugu inatsimmi § 55, sulinermit nappaateqalernerit nalunaarutigineqartut eqqarsaatigalugit.
- 3) Naalagaaffimmut, Namminersorlutik Oqartussanut kommuninullu assigisaa atuuppoq, nammineerluni sillimmasiisinnaaneq atorsimagunikku, tak. § 52, imm. 5.

*Imm. 2.* Allaffissornikkut ingerlatsinermut akiliutit suliamut nalunaarutigineqartumut ataatsimut akiliutit tunngavigalugit naatsorsorneqassapput. Siullermeertumik nalunaarutigineqartut suliareqqinneqalersullu kiisalu sulianik aalajangiivigineqareersunik Arbejdsmarkedets Erhvervssikringip kukkunersiorneqartussatut aalajangigaasa suliarinerannut akiliisoqartassaaq,

*Imm. 3.* Sillimmasiisarfiit imm. 1, nr. 1-imi taaneqartut naatsorsueqqissaarnikkut paasisutissanik assigisaannillu saqqummiussinissamut suliassaqartitsinermut ministerip pisussaaffilersinnaavai.

*Imm. 4.* Akiliuteqarneq, akiliutit annertussusaat taakkuninngalu akiliisitsiniarneq eqqarsaatigalugit suliassaqartitsinermut ministeri maleruagassanik aalajangersaassaaq, Ankestyrelsimullu maleruagassat eqqarsaatigalugit isumaginninnermut nunamillu namminermut ministerimik isumaqatigiinniareernermi kingorna aalajangersassallugit. Arbejdsmarkedets Erhvervssikringip siulersuisuisa inassuteqareernerisigut suliassaqartitsinermut ministerip akiliutit annertussusaat ukiumut ataasiarluni nalunaarutigisassavai, Ankestyrelsillu akigititai eqqarsaatigalugit isumaginninnermut nunamullu namminermut ministerimik isumaqatigiinniareernermi kingorna nalunaarutigisassallugit.”

**36.** § 65-imi *oqaaseqatigiit siullianni* ”§ 30, imm. 2, § 52, imm. 6, aamma § 56, imm. 1 aamma 5, imaluunniit Arbejdsmarkedets Erhvervssygdomssikringip § 62 malillugu” allanngortinneqarpoq ”§ 30, imm. 2, § 52, imm. 6, § 56, imm. 1 aamma imm. 5, kiisalu § 62”-inngorlugu.

**37.** § 65-imi, *oqaaseqatigiit aappaanni*, aamma § 68, *imm. 4*-mi, ”Arbejdsskadesstyrelsip pisortaa” allanngortinneqarpoq ”suliassaqartitsinermut ministeri”-nngorlugu.

**38.** § 66 *sioqqullugu qulequtaq* atorunnaarsinneqarpoq.

**39.** § 66 imatut oqaasertalerneqassaaq:

”§ 66. Sulisilluni ajoqusersinnaanermut isumannaarineq pillugu inatsimmi kapitali 11-mi Arbejdsmarkedets Erhvervssikringi pillugu maleruagassat assigisaanik atorneqassapput.”

40. § 68, imm. 1-imi ”Arbejdsskadestyrelsi” allangortinneqarpoq ”Arbejdsmarkedets Erhvervssikringip siulersuisui”-sunngorlugu.

41. § 71, oqaaseqatigiinni siullerni, ”Arbejdsmarkedets Erhvervssygdomssikring” allangortinneqarpoq ”Arbejdsmarkedets Erhvervssikring, tak. Sulisilluni ajoqusersinnaanermut isumannaarineq pillugu inatsimmi § 55”-inngorlugu.

42. § 73 imatut oqaasertalerneqassaaq:

”§ 73. Sulisut, ilanngullugu Arbejdsmarkedets Tillægspensionimi nakorsatut siunnersortit, Arbejdsmarkedets Erhvervssikringimut ikiuillutik sulisut, sulisullu naammagittaalliornermik suliassat suliarineqarnerannut atatillugu § 49, imm. 1, nr. 3 malillugu suliassanik suliaqartut, sillimmasiisarfirmi sulisuussangillat, sillimmasiisarfirmiluunniit aqutsisunut ilaassanatik.”

43. § 74, imm. 2-mi, ”Arbejdsskadestyrelsip pisortaanit” allangortinneqarpoq ”Arbejdsmarkedets Erhvervssikringip inassuteqareerneratigut suliassaqartitsineranut ministerimit”-inngorlugu.

*Atuutilersitsineranut ikaarsaariarnermilu aalajangersakkat*

## § 2

*Imm. 1.* Inatsit 1. juli 2016-imi atuutilissaaq.

*Imm. 2.* Suliat suliassaqarfinni, Arbejdsmarkedets Erhvervssikringi pillugu inatsimmi § 2 malillugu Arbejdsmarkedets Erhvervssikringimut nuunneqartut, inatsisillu atuutilernerani Arbejdsskadestyrelsimit naammassineqanngitsut Arbejdsmarkedets Erhvervssikringip naammassillugit suliarissavai.

*Imm. 3.* Naammagittaalliuutinut aalajangeriikkanut atatillugu, inatsisilli atuutilinnginnerani Arbejdsskadestyrelsimit suli nalilersoqqinneqarsimannngitsut, Arbejdsmarkedets Erhvervssikringip

nalilersoqqissavai, tak. Sulisilluni ajoqusersinnaanermut isumannaarineq pillugu inatsimmi § 49, imm. 6-7.

*Imm. 4.* Suliat ingerlareersut kiisalu suliat suliareqqinneqalersut suliarineqarnerat, nutaamik akuersisitseqqaarani Arbejdsmarkedets Erhvervssikringip ingerlateqqissavai.

*Imm. 5.* Eqqartuussivinni suliani, inatsisip atuutilinnginnerani Arbejdsskadestyrelsi akerleralugu imaluunniit taassumanga suliaasiissutigineqartuni, Arbejdsmarkedets Erhvervssikringi suliaasiissutigineqartutut imaluunniit suliaasiisutut inissisimassaaq.

*Imm. 6.* Inuussutissarsiornermit nappaatit pillugit suliani il.il. Arbejdsmarkedets Erhvervssygdomssikringip naliliutai pisusaaffiilu 1. juli 2016-imi Arbejdsmarkedets Erhvervssikringip siulersuisuinit nuunneqassapput.

*Imm. 7.* Suliat aalajangersimasut pillugit Arbejdsskadestyrelsip aamma Arbejdsmarkedets Erhvervssygdomssikringip Arbejdsmarkedets Erhvervssikringi inatsisip atuutilerneratigut akuulissaaq. Suliallu aalajangersimasut pillugit Arbejdsskadestyrelsimut aamma Arbejdsmarkedets Erhvervssygdomssikringimut piumasaqaatinut Arbejdsmarkedets Erhvervssikringi assigisaanik akuulissaaq.

### § 3

*Imm. 1.* Kalaallit Nunaanni sulisilluni ajoqusersinnaanermut isumannaarineq pillugu inatsit malillugu nalunaarutit atortussanngortinneqarsimasut nalunaarutinik nutaanik taarserneqarnissamik tungaanut atuutissapput.

*Imm. 2.* Sulianut Arbejdsmarkedets Erhvervssikringimi aamma Ankestyrelsimi 2016-imi suliarineqartunut allaffissornikkut ingerlatsinermut akigititat inatsisip atuutilinnginnerani maleruagassat atuuttut malillugit Arbejdsskadestyrelsip pisortaanit aalajangersagaasut atuutissapput.

#### *Inatsisissatut siunnersuummut oqaaseqaatit*

*Oqaaseqaatit nalinginnaasut*

*Oqaaseqaatit nalinginnaasut*

*1. Aallaqqaasiut*



Naalagaaffimmi suliffiit nunat tamarmut agguanneqarnissaannik innuttaasunullu qaninnerunissaannik naalakkersuisut kissaateqarnerannut atatillugu, suliassat ullumikkut Arbejdsskadestyrelsimit suliarineqartartut suliffeqarfimit imminut pigisumut pilersinneqarlaamut, Arbejdsmarkedets Erhvervssikringimut, Arbejdsmarkedets Tillægspensionimit teknikkikkut allaffissornikkullu ikiorneqartumut nuunneqarnissaat siunnersuutigineqarpoq.

Suliassaat ministereqarfiup ataani aqutsisoqarfimmiit suliffeqarfimmut imminut pigisumut nuunneqartussaammata, siunnersuummut inatsisiliortoqarnissaa pisariaqarpoq.

Kalaallit Nunaanni sulisilluni ajoqusersinnaanermut isumannaarineq pillugu inatsit malillugu sulianik suliarinninnermik Arbejdsskadestyrelsip suliassaasa suliffeqarfimmut nutaamut Arbejdsmarkedets Erhvervssikringimut nuunneqarnissaat inatsisissatut siunnersuummi siunertaavoq. Sulisilluni ajoqusernermik suliassaqarfimmi Kalaallit Nunaanni allaffissornikkut aqutsineq Arbejdsskadestyrelsip Nuummi Sulisilluni Ajoqusernermut Sullissivianit isumagineqarpoq. Taamaalilluni Kalaallit Nunaanni sulisilluni ajoqusernermut isumannaarineq pillugu inatsisip allaffissornikkut aquunneqarneranut atatillugu maanna suliassat Nuummi Sulisilluni Ajoqusernermut Sullissivianit isumagineqartuassasut piumasaqaataavoq.

Inuussutissarsiornermit nappaatigilikkat pillugit suliassaqarfimmi aningaasartuutit taarsiissutillu akilernissaasa aningaasalersornerannut atatillugu Kalaallit Nunaanni sulisilluni ajoqusersinnaanermut isumannaarineq pillugu inatsimmi maleruagassat malillugit Arbejdsmarkedets Erhvervssygdomssikringimut suliassaritineqartut, Arbejdsmarkedets Erhvervssikringimut nuunneqarnissaat tamatuma saniatigut siunnersuutigineqarpoq

## 2. Tunuliaqut

Naalagaaffimmi suliffiit 3.900 missaanniittut illoqarfimmit pingaarnermut nunap immikkoortuinut sisamanut allanut nuunneqarnissaannik pilersaarut naalakkersuisut 1. oktober 2015-imi saqqummiuppaat. Naalagaaffimmi suliffiit nunamut tamarmut agguanneqarnissaat innuttaasunullu qaninnerunissaat siunertaavoq.

Naalakkersuisut pilersaarutaanit ”*Pitsaanagerusumik oqimaaqatigiissitsineq – Naalagaaffimmi suliffiit innuttaasunut suliffeqarfinnullu qaninnerusut*” oktober 2015-imeersumit ilaatigut tulliuttut takuneqarsinnaapput:

*”Inuit ajoquserneri pillugit suliamik suliarinninnerit aalajangersimasut tamarmik Arbejdsskadestyrelsimit ATP-mut imaluunniit Udbetaling Danmarkimut nuunneqarnissaat Naalakkersuisut kissaatigaat. Suliamik suliarinninnerit aalajangersimasut sulinermi ajoqusernermik suliaapput, namminersortut taarsiiffigitinnissamik suliassiissutaallutik kiisalu suliassaqarfinni allani suliassaallutik minnerusut. Suliffissaaleqinermit sillimmasiineq pillugu naammagittaalliornermik suliassanut (CKA) kiisalu sulisilluni ajoqusernermut tunngasuni suliassaqarfimmi suliassat ataqatigiissaarinnermik ineriartortitsinermillu suliassat nuunneqarnissaat eqqarsaatigineqanngilaq, ...”*

Arbejdsmarkedets Tillægspension-imut atatillugu suliffeqarfimmik imminut pigisumik

nutaamik ”Arbejdsmarkedets Erhvervssikring”-imik aallartitsinissaq naalakkersuisut aalajangerpaat. Suliffeqarfiup imminut pigisup, Arbejdsmarkedets Erhvervssikringip pilersinneqarnissaa pillugu inatsisissatut siunnersuut innersuussutigineqarpoq, tamatumani inuit ajoquserneri pillugit suliat aalajangersimasut ullumikkut inatsisit atuuttut malillugit Arbejdsskadestyrelsimit kiisalu suliassaqaarfinit attuumassuteqartunit allaffissornikkut aqunneqartut tamarmik tassunga nuunneqassallutik. Siunnersuut maanna Folketingimit suliarineqarpoq.

Arbejdsmarkedets Erhvervssikring siunnersuut malillugu pisortat inatsisilerinermik suliaqarfigissavaat nammineertoq, ilaatigut ingerlatsinermit inatsisitigut maleruagassat, ilanngullugit tamanut saqqummiussisussaataitanermut inatsit, kiisalu inuit pillugit paasisutissat pillugit inatsit, pisortat oqartussaasuinut atuuttut toqqaannartumik atorneqassallutik.

Aammattaaq Arbejdsmarkedets Erhvervssikring suliassaminik isumaginninnermini ingerlatsinermit inatsisitigut maleruagassanik tunngavinnillu malinnittussaavoq, soorlu naligiissumik sullissilluni, piviusorsiorluni, nipangiussisussaataalluni kiisalu aalajangiisarnerit ammaffigalugit.

Allaffissornikkut aqutsineq kiisalu sulianik suliarininneq aningaasartuutunik matussusiineq tunngavigalugu Arbejdsmarkedets Tillægspensionimit tiguneqarnissaa siunnersuutigineqarpoq. Taamaasilluni Arbejdsmarkedets Erhvervssikringimut siulersuisunut isumaqatigiissuteqarneq tunngavigalugu Arbejdsmarkedets Tillægspensionip ulluinnarni ingerlatsinermik suliassat suliarissavai. Arbejdsmarkedets Tillægspension allaffissornikkut aqutsinermik annertuumik ukiorpassuarni misilittagaqarpoq. Misilittakkat taakku suliassanut nutaanut atorluarneqassapput.

Arbejdsmarkedets Tillægspensionip oqartussaaffimmik tigusereeruni suliassat ingerlannerat patajaallisarniarpaat. Suliffeqarfiup imminut pigisup nutaap Arbejdsmarkedets Erhvervssikringip siulersuisuisa it-mut atortorissaarutunik nutaanik pisinissaminik suliaq ingerlateqqissallugu aalajangerpassuk, tamanna akiliutinut sunniuteqassaaq. Taamaasilluni akiliutit 2017-imi ukialunnilu aggersuni qaffannissaat naatsorsuutigineqarpoq.

Maanna sinaakkusiussat iluini ingerlatsinerup qulakkeernissaa aallaaviuvoq. Sulisilluni ajoqusernerit pillugit suliassaqaarfimmi Kalaallit Nunaanni allaffissornikkut aqutsineq maanna Arbejdsskadestyrelsip Nuummi sulisilluni ajoqusernerit pillugit suliffeqarfiani isumagineqartarpoq. Taamaasilluni Kalaallit Nunaanni sulisilluni ajoqusernerit pillugit inatsisip allaffissornikkut aqunneqarneranut atatillugu suliassat maanna Nuummi sulisilluni ajoqusernerit pillugit Sullissivimmi suliarineqartarnissaata Arbejdsmarkedets Erhvervssikringip ingerlatiinnassagaa piomasqaataavoq.

Arbejdsskadestyrelsemi suliffeqarfimmi maanna sulisuusunik, ilanngullugit Sulisilluni Ajoqusernertut Nuummi Sullissivimmi sulisunik, nuussineq pissaaq suliffeqarfimmi tunniussineq pillugu maleruagassat naaportorlugit. Sulisut atorfilittut atorfeqartut naalagaaffimmi atorfeqartuaannassapput, Arbejdsmarkedets Erhvervssikringimullu attartortinneqassallutik.

Sulisilluni ajoqusernertut isumannaarineq pillugu Kalaallit Nunaanni inatsimmi allannguutit pisariaqartinneqartut inatsisissatut siunnersuutikkut matumuuna allannguutigittinneqassapput, taamaasilluni inuup ajoquserneranut suliassat aalajangersimasut kiisalu suliassat attuumassuteqartut suliarineqarnerannut atatillugu Arbejdsskadestyrelsip suliassai tamaasa suliffeqarfimmit

pilersinneqarlaamit Arbejdsmarkedets Erhvervssikringimit tiguneqassallutik. Ajoqusernut imaluunniit sillimmasiisarfiit sulisilluni ajoqusernertut isumannaarinet pillugu inatsit malillugu pisinnaatitaaffiit pisussaaffiit inatsisissatut siunnersuut manna allannuutit imaqanngilaq.

Sulisilluni ajoqusernit pillugit suliassaqaarfimmi ataqatigiissarinnermik ineriartortitsinnermillu suliassat nuunneqarnissaat eqqarsaatigineqanngilaq.

Aammattaaq suliassat inatsisit atuuttut malillugit Arbejdsmarkedets Erhvervssygdomssikringimit suliartartut Arbejdsmarkedets Erhvervssikringimit tiguneqassaput. Tamatumani pineqartut taarsiiffigitinnerut ajunngitsorsiasanullu aningaasartuutit aningaasalersornissaannut sulisitsisunit tapiissutit akilersinniarnannut atatillugu suliassat, kiisalu inuussutissarsiornermit nappaatigilikkanut atatillugu ajoqusersimasunut qimataasunullu taarsiissutit ajunngitsorsiasanillu akiliuteqartarnerit.

Taamaattoq suliani sulinnermit nappaatigilikkat pillugit aalajangiinnerit Arbejdsmarkedets Erhvervssikringimit aalajangerneqartut Ankestyrelsimut naammagittaalliuutigineqarsinnaanerit siunertarlugu aalajangiinnerit nalilersoqqinnissaannik suliassat Arbejdsmarkedets Erhvervssikringip tigussanngilai. Sulissaq tamanna ATP-p siulersuisuisa ataanni suleqatigiinnit immikkuullarissunit suliartartut.

Inatsisinit allanut atatillugu Arbejdsskadestyrelserip sulianik suliartartut suliassaasa allat Arbejdsmarkedets Erhvervssikringimit assigisaanik nuunneqarnissaat siunnersuutigineqarpoq. Tamanna pissaaq sulisilluni ajoqusersinnaanermut isumannaarinet pillugu inatsisip, suliffissaarusimanermut qularnaveeqqusiinet pillugu inatsisip, sullivimmi avatangiisit pillugit inatsisip kiisalu inatsisit allat assigiinngitsut allannuutit nuunneqarnissaat pillugit inatsisissatut siunnersuutikkut. Inatsisissatut siunnersuut taanna maanna Folketingimi suliartartut.

### *3. Inatsisissatut siunnersuutit imai.*

#### *3.1. Inatsisit atuuttut.*

Inuit, Kalaallit Nunaanni sulisitsisumik sulisussanngorlutik atorfinitsisaatut sulisilluni ajoqusernerup kingunerinut Kalaallit Nunaanni sulisilluni ajoqusernertut isumannaarinet pillugu inatsisikkut qulakkeerinniffigineqarput. Sulineq aningaasarsissutaasinnaavoq, aalingaasarsiaqaataasinnaananilu, aamma ataavartuusinnaavoq, utaqqiisaasuusinnaalluni imaluunniit sulinerugallarsinnaalluni. Tamatumani saniatigut inuit allat arlaqartut sulisillutik ajoqussagunik inatsisikkut qulakkeerinniffigineqarput, assersuutigalugu inunnik annaassiniartillutik ajoquserunik, annaassiniarneq pineqartut nalinginnaasumik suliaanut ilaannikkaluartoq.

Kalaallit Nunaanni sulisilluni ajoqusernertut isumannaarinet pillugu inatsisip atuuttup saniatigut, aamma sulitilluni ajoqusernertut isumannaarinet pillugu inatsisip Kalaallit Nunaanni

atuutsinneqalernissaa pillugu peqqussut nr. 991, 3. oktober 2008-meersumi maanna atorunnaarsoq inatsisitigut tunngavigalugu sulianik suliarinnittoqartarpoq. Ajoqusernemi sulianut 1. januar 2011 sioqqullugu tiguneqartunut imaluunniit nalunaarutigineqartunut peqqussutip suli atuutsinneqarneranik oqaasertalerlugu peqqussut atorunnaarsinneqarpoq.

Sulisilluni ajoqusernemi oqarnermi pineqarput ajutoornerit aamma inuussutissarsiornermit nappaatigilikkat, sulinerup imaluunniit pissutsit sulinermi atukkat malitsigisaat. Ajutoornermik oqarnermi pineqarpoq, inuup ajoqusernera, pisumit imaluunniit sunnerneqarnermik, tassanngaannaq pisumit imaluunniit ullut tallimat iluanni pilersumik pissuteqartoq.

Inuussutissarsiornermit nappaatigilikkamik oqarnermi ilaatigut inuussutissarsiornermit nappaatigilikkat allattorsimaffiannut ilaasut pineqarput, imaluunniit nappaatit allat, nakorsat uppersaanaerat malillugu inuussutissarsiornermit nappaatigilikkat allattorsimaffiannut ilanngunnissamut piunasaqaatinik eqqortitsisut pineqarlutik, imaluunniit nappaatip taamaallaat imaluunniit annertunerusumik suliap immikkut ittumik pissuteqarnerata kingunerisaattut isigineqartariaqartut pineqarlutik.

Nappaatit immikkut ittumik sunnerneqarnermit, inuit aalajangersimasut sulinerikkut, imaluunniit pissutsinik sulinermi nalaanni atukkaminik nalaattagaannit pissuteqartut nakorsanit uppersarneqarsinnaappat, taamatullu nalaassarneq inunnit taamatut suliqaanngitsunit annertuneruppat, inuussutissarsiornermit nappaatigilikkat allattorsimaffiannut ilanngunneqarsinnaappat.

Sulinermit ajoquserneq inatsit malillugu akuerineqarpat, tamatumunnga piunasaqaatit eqqortinneqarpata inuup ajoquserup napparsimanermini katsorsarneqarnermut, sungiusaqqinnermut, ikiuutitut atortunut il.il., sulisinnaajunnaarnermut taarsiiffigitinnermut kiisalu ataavartumik kinguneqartitsinermut ajunngitsorsiasannut akiliunneqarnissamut pisinnaatitaaffeqarpoq.

Ajoqusertoq toqukkut qimaguppat, uusoq/nuliaasoq/inoqataasoq meeraalu il.il. tamatumunnga piunasaqaatit eqqortinneqarpata, pilersuisuminnik annaasaqarnermut taarsiiffigitinnissamut aamma qimataasunut immikkut ittumik ajunngitsorsiasannut pisinnaatitaaffeqarput.

Sulisilluni ajoqusernerunersoq Arbejdsskadestyrelsen, tamatumunngalu atatillugu Sulisilluni Ajoqusernermut Sullissivik nalilersuisartuuvoq, tamatumunngalu aalajangiisartuulluni. Suliani sulisilluni ajoqusernerup akuerisaasuni, ajoqusernerup akuerisaasup kinguneranik inuussutissarsiorsinnaarnermut peqqissutsimulluunniit kinguneqarsimappat, taarsiissutit ajunngitsorsiasallu pillugit Arbejdsskadestyrelsen aamma aalajangiisuusaaq. Arbejdsskadestyrelsen

aalajangiineri suliami illuatungeriinnit Ankestyrelsimut suliassiissutigineqarsinnaapput.

Tamatuma saniatigut ataatsimoortumik sillimmasiinerimik taaneqartartoq, tassaasoq aalisarnerup piniarnerullu iluani namminersortuaqqanut nammineq piumassutsimik immikkut ittumik sillimmasiineq, Sulisilluni ajoqusernerit pillugit suliassaqaarfiup allaffissornikkut aquppa. Ataatsimoortumik sillimmasiinerimut ilaasortat sillimmasiinerimut akiliutinut naalagaaffimmit tapiiffigineqartarput. Ataatsimoortumik sillimmasiineq ajutoornernut inuussutissarsiornermillu nappaatigilikkanut matussusiisarpoq, akikitsumillu sillimmaserineqarnissamut ilaasortanut neqeroorutaalluni.

Aammattaaq suliati inuit ajoqusernerannut tunngasut, sulinerimik ajoqusernerit pillugit Kalaallit Nunaanni inatsimmut ilaanngitsut Sulisilluni ajoqusernerit Sullissiviup suliarisarpai. Taamaalilluni Kalaallit Nunaanni taarsiussusaatitaanermik inatsisip Kalaallit Nunaanni atuutinneqalernissaa pillugu peqqussummi § 10 malillugu Sulisilluni ajoqusernerit Sullissiviup aamma oqaaseqaateqarfigisinnaavai aamma ajoqusersinnaanermut sillimmasiissummi pineqartumik ajoqusernerup kingunerisaanik ajoquserit pillugit sillimmasiisarfiullu akornanni aqqiagiinngissutit oqaaseqaateqarfigisinnaallugit.

### *3.1.2. Suliassaqartitsinerimut ministereqarfiup eqqarsaatai aqqiissuussinissatullu siunnersuut*

Suliassaqartitsinerimut ministereqarfik isumaqarpoq suliamik suliarinninnermik suliassat, sulisilluni ajoqusernerimut tunngasut pillugit Arbejdsskade styrelsen maanna suliassai tamarmik, suliffeqarfimmut nutaamut imminut pigisumut ”Arbejdsmarkedets Erhvervssikring”-imut, sulisoqarnerimut tunngasuni illuatungeriinnit inuttaqartumik namminerisaminik siulersuisoqartumut nuunneqarpata naalakkersuisut periusissiaat ”Pitsaanerumik oqimaaqatigiissitsineq” piviusunngortinneqarsinnaasoq.

Tamanna isumaqarpoq inuup ajoquserneranik suliarnik suliarinninnerimut piginnaatitaanerit ullumikkut Arbejdsskade styrelsimut tunniunneqarsimasut, ilanngullugit ajoquserit Kalaallit Nunaanni sulisilluni ajoqusernerit isumannaanerineq pillugu inatsit malillugu taarsiiffigitinnerimut ajunngitsorsiassanullu ajoquserit pisinnaatitaaffii pillugit aalajangiisinnaanerit, maanna Arbejdsmarkedets Erhvervssikringimut nuunneqassasut.

Aammattaaq Arbejdsskade styrelsen maanna oqartussatut sulineranut Arbejdsmarkedets Erhvervssikring peqataanissamut periarfissaqalerpoq.

Sulisillui ajoqusersinnaanernut isumannaanerineq pillugu Kalaallit Nunaanni inatsisip allaffissornikkut aqunneqarneranik Sulisilluni ajoqusernerit Suliqaarfiup

allanguutitaqanngitsumik ingerlatitseqqinnissaa piunasaqaataavoq. Taamaasilluni aalisartut piniartullu angallateerarsortut ataatsimoorussamik sillimmasiinerannik sullissivik sulii allaffissornikkut aqutsisuusaaq. Aammattaaq suliani ajutoorsinnaanermut namminerisamik sillimmasiisoqarsimatillugu, taarsiissuteqarnissamut akisussaaffik pillugu inatsit malillugu sullissivik sulii oqaaseqarsinnaatitaassaaq. Taamaattumik najukkami allaffissornikkut aqutsisut ingerlaqqinnissaat pisariaqartinneqarpoq, taakku kalaallisut allassinnaagamik, oqalussinnaallutik paasisinnaallutillu, nalunaarutinillu tiguisinnaallutik saaffigineqarsinnaallutillu, kiisalu suliaq pillugu paasisutissanik il.il. katersisinnaallutik.

Suliassaqartitsineranut ministereqarfik isumaqarpoq Sulisilluni ajoqusersinnaanermut isumannaarineq pillugu Kalaallit Nunaanni inatsit malillugu sulianik allaffissornikkut aqutsinerup Arbejdsskade styrelsimiit Arbejdsmarkedets Erhvervssikringimut nuunneqarnera inatsisitigut isumannaatsumik pineqarnissamut atatillugu eqqarsarnartoqassanngitsoq, sulianik aalajangersimasunik suliarinninnermut atatillugu inatsisitigut isumannaatsumik pineqarnissamut aalajangersakkat maanna atuuttut tamarmik attatiinnarneqassammata. Tamatumani pineqarput Arbejdsmarkedets Erhvervssikringip aalajangiinerisa Ankestyrelsimut suliassiissutigineqarnissaannut pisinnaatitaaffik, kiisalu ingerlatsineranut inatsisit nalinginnaasut, kiisalu ingerlatsineranut inatsisip, tamanut saqqummiussisinnaanermut inatsisip, inuit pillugit paasisutissat pillugit inatsisip kiisalu Folketingip Ombudsmandia pillugu inatsisip il.il. malitsigisaanik inatsisitigut isumannaatsuunissamik qulakkeerinnissutit pineqarlutik. Arbejdsskade styrelsip aamma Ankestyrelsip aalajangiinerisa eqqartuussivinnit misilitsinneqarsinnaanernut aqqutissaq assigisaanik attatiinnarneqassaaq.

Taamaasilluni sulisilluni ajoqusernermut aqqissuussineq Kalaallit Nunaanni maannamut atuuttoq ilusimitut innuttaasut ilisimasaattut iluseqartillugu ingerlateqqiinnarneqassaaq.

Piginnaatitsissutit inatsisini atuuttuni Arbejdsskade styrelsip pisortaanut tunniunneqarsimasut suliassaqartitsineranut ministerimut tunniunneqassapput. Taamatut iliornikkut piginnaatitsissutit atorneraranni Namminersorlutik Oqartussat akuutinneqartarnerannik maanna suleriaasiusoq allannagortinnagu attatiinnarneqassaaq.

Inatsisissatut siunnersuummi § 1 innersuussutigineqarpoq.

### *3.2. Arbejdsmarkedets Erhvervssygdomssikringip suliassai*

#### *3.2.1. Inatsisit atuuttut*

Sulisilluni ajoqusersinnaanermut isumannaarineq pillugu Kalaallit Nunaanni inatsit malillugu Arbejdsmarkedets Erhvervssygdomssikringip suliaasarai

1) inuussutissarsiornermit nappaatigilikkanut aningaasartuutit aningaasaliissuteqarfiginissaat naatsorsorlugu akiliutinillu akiliisitsiniarluni, aamma

2) ajoqusertunut imaluunniit qimagaasunut taarsiissutinik il.il. akiliuteqarluni.

Naggataagullu inuussutissarsiutinit nappaatigilikkat pillugit suliani akuersissuteqarneq taarsiissutillu il.il. pillugit Arbejdsskadestyrelsen, ilanngullugulu Sulisilluni ajoqusernerit pillugit Sullissiviup aalajangiinerinut atatillugu Arbejdsmarkedets Erhvervssygdomssikring naammagittaalliuuteqarnissamut pisinnaatitaavoq.

### *3.2.2. Suliassaqartitsinermit ministereqarfiup eqqarsaatai aaqqissuussinissatullu siunnersuut*

Arbejdsmarkedets Erhvervssygdomssikringip suliffeqarfittut nammineertutut atorunnaarsinneqarnissaa, kiisalu Arbejdsmarkedets Erhvervssygdomssikringip maanna suliassaasa Arbejdsmarkedets Erhvervssikringip siulersuisuinut nuunneqarnissaat suliassaqartitsinermit ministereqarfiup inatsisissatut siunnersuutikkut, maanna Folketingimi suliarineqartukut siunnersuutigaa, taamaattoq imaalillugu inuussutissarsiornermit nappaatigilikkat pillugit suliani aalajangiinerit pillugit Arbejdsmarkedets Erhvervssikringip aalajangiinerinik naammagittaalliuuteqarsinnaatitaaneq ATP-p siulersuisuinut inissinneqartillugu.

Tamatuma kinguneranik – suliassat Arbejdsskadestyrelsimit tiguneqartut saniatigut – inuussutissarsiutinit nappaatigilikkanut aningaasartuutit aningaasalersornissaannut akiliutit naatsorsornissaannut taakkuninngalu akiliisitsiniarneq, aamma ajoqusertunut qimagaasunulluunniit taarsiissutinik il.il. akiliuteqarnissaq Arbejdsmarkedets Erhvervssikringip siulersuisuisa akisussaaffigilissavaat.

Arbejdsmarkedets Erhvervssikringip ATP-mit allaffissornikkut ikiorneqarluni pilersinneqarneratigut, inuussutissarsiornermit nappaatigilikkat allaffissornikkut aqunneqarnerannut atatillugu suliamut akuusinnaanermut atatillugu immikkut ittumik apeqqut pilissaaq, inuussutissarsiornermimmi nappaatigilikkanut aningaasalersuineq sulianilu inuussutissarsiornermit nappaatigilikkanut tunngasuni aalajangiisinnaatitaaneq siunissami suliffeqarfimmi

ataasiinnarmiilissammata.

Sulisitsisunit tapiissutit naatsorsorneqartarnerat akilersinniarnerrallu kiisalu ajoqusertunut taarsiissutinik ajunngitsorsiasanillu akiliuteqartarneq eqqarsaatigalugit maanna suliassaasunut atatillugu eqqarsartoqartariaqartoq suliassaqartitsinermut ministereqarfiup nalilerpaa.

Suliassaqarfinnut marluusunut (suliani aalajangersimasuni aalajangiisarnermut kiisalu inuussutissarsiutinit nappaatigilikkanut taarsiissutinut akiliutinut aningaasalersuinerlut) atatillugu, aningaasaqarnikkut aqutsinerit immikkoortisimatinnissaat piumasaqaataavoq.

Tamatuma kinguneranik Arbejdsmarkedets Erhvervssikringip naatsorsuutai, naatsorsuutinik immikkuullarissunik marlunnik imaqaassapput. Suliassanut, Arbejdsmarkedets Erhvervssygdomssikringimit nuunneqartunut sulisilluni ajoqusernermut isumannaarineq pillugu inatsimmi kapitali 11 malillugu naatsorsuutinut kukkunersuinerimullu piumasaqaateqartoqarnera tamatumunnga pissutaavoq, tak. Arbejdsmarkedets Erhvervssikring pillugu inatsisissatut siunnersuummi nassiunneqartumi § 3. suliassanut, Arbejdsskadestyrelsimit nuunneqartunut assigisaanik piumasaqaateqartoqanngilaq, tak. Arbejdsmarkedets Erhvervssikring pillugu inatsisissatut siunnersuummi nassiunneqartumi §§ 13 aamma 14.

Suliassaqartitsinermulli ministereqarfik isumaqarpoq, aalajangiinerit, Arbejdsmarkedets Erhvervssikringip suliani inuussutissarsiutinit nappaatigilikkanut tunngasuni aalajangigai pillugit naammagittaalliuuteqarsinnaatitaaneq Arbejdsmarkedets Erhvervssikringip tigusinnaanngikkaa.

Tamatuma kinguneranik suliassaqartitsinermut ministereqarfik isumaqarpoq, suliani inuussutissarsiutinit nappaatigilikkanut tunngasuni Arbejdsmarkedets Erhvervssikringip aalajangiinerinik naammagittaalliorsinnaatitaaneq ATP-p siulersuisunut nuunneqassasoq.

Arbejdsmarkedets Erhvervssygdomssikringip aalajangiinerisa Ankestyrelsimut suliassiissutigineqarnissaannut Arbejdsmarkedets Erhvervssygdomssikringip suliassaasa nuunneqarfigisinnaasaannik, allaffissornikkut ingerlatsivinnik allanik naleqquttunik peqanngitsoq suliassaqartitsinermut ministereqarfiup nalilerpaa.

Siulersuisut nammineerlutik suliassaq suliassarinnigilaat, siulersuisulli ataanni suleqatigiit suliassaralugu. Suleqatigiinnik suliani inuussutissarsiornermut nappaatigilikkanut tunngasuni Arbejdsmarkedets Erhvervssikringip aalajangiinerisa imaannik naliliinissamut pisariaqartitamik



piginnaaneqalersussanik piginnaanernillu attassiinnartussanik pilersitsinissaq ATP-p siulersuisuisa akisussaaffeqalernissaat suliasap kingunerissavaa.

ATP-mut siulersuisut ataanni suleqatigiit naammagittaalliuutinik sulianik suliarinninnerannut atatillugu aningaasartuutaat, tapiissutinit, Arbejdsmarkedets Erhvervssikring pillugu inatsisissatut siunnersuummi nassiunneqartumi § 3 malillugu suliasat suliarinerannut Arbejdsmarkedets Erhvervssikringimit akileqquneqartunit aningaasalersorneqassapput.

Inatsisissatut siunnersuummi § 1 innersuussutigineqarpoq.

#### *4. Pisortanut aningaasaqarnikkut allaffissornikkullu kinguneri*

Siunnersuutip naalagaaffimmut, kommuninut nunalluunniit immikkoortuinut aningaasaqarnikkut allaffissornikkulluunniit kinguneqarnissaa naatsorsuutigineqanngilaq.

Suliasaqarfimmik allaffissornikkut aqutsinermut aningaasartuutit sinaakkusiussat taakkuuginnartut iluanni pinissaa piumasaqaataavoq. Taamaasilluni suliasaqarfiup aningaasanut inatsimmi akuersissutit allanngartinnagit, kiisalu sulianik suliarinninnermut akileqqusissutitigut isertitat taakkuuginnartillugit allaffissornikkut aqunneqarsinnaanera naatsorsuutigineqarpoq.

Taamaasilluni 2016-imut aningaasanut inatsimmi aningaasartuutit isertitassanullu akuersissutit allanngunnginnissaat piumasaqaataavoq.

#### *5. Inuussutissarsiortunut aningaasaqarnikkut allaffissornikkullu kinguneri.*

Siunnersuut inuussutissarsiortunut aningaasaqarnikkut allaffissornikkullu kinguneqassanngitsoq nalilerneqarpoq.

#### *6. Innuttaasunut allaffissornikkut kinguneri*

Siunnersuut innuttaasunut allaffissornikkut kinguneqassanngitsoq nalilerneqarpoq.

*7. Avatangiisinut kinguneri*

Siunnersuut avatangiisinut atatillugu kinguneqassanngilaq.

*8. EU-mi inatsisinut pissutsit*

Siunnersuut EU-mi inatsiseqarnermut tunngasunik imaqaanngilaq.

*9. Oqartussat suleqatigiiffiillu tusarniaaffigineqartut*

Inatsisissatut siunnersuummut missingiut Danmarkimi Kalaallit Nunaannilu oqartussanut suleqatigiiffinnullu attuumassuteqartunut piffissami 28. januar 2016-imiit 24. februar 2016-imut suleqatigiiffinnut oqartussanullu tulliuuttunut tusarniaassutigineqarpoq:

Kalaallit Nunaanni ilinniagartuut Kattuffiat, Ankestyrelsi, Arbejdsmarkedets Erhvervssygdomssikring, Arbejdsmarkedets Tillægspension, Atorfillit Kattuffiat, Inuussutissarsiornermut, Aatsitassanut, Ikummatissanut Sulisoqarnermullu Naalakkersuisoqarfik, Aningaasaqarnermut Nunamullu Namminermit Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Ilinniartitaanermit, Ilageeqarnermut, Kultureqarnermut Naligiissitaanermullu Naalakkersuisoqarfik, Peqqissutsimut Attaveqatigiinnermullu Naalakkersuisoqarfik, Aningaasaqarnermut Nakkutilliisut, Sillimmasiineq Soraarnerussutisiaqarnerlu, Siulittaasup Naalakkersuisoqarfia, Kalaallit Nunaanni Sulisitsiut, IMAK, Nuuk, KANUKOKA, KNAPK, NUSUKA, Kalaallit Nunaanni naalagaaffiup sinniisoqarfia, SIK kiisalu Peqqinnissaqarfimmi sulisut kattuffiat (peqqissaasut il.il.).

*10. Immersugaq eqikkaaffiusoq*

	Kinguneri ajunngitsut/	Kinguneri pitsaanngitsut/
--	------------------------	---------------------------

	aningaasartuutit ikinnerusut	aningaasartuutit amerlanerit
Namminersorlutik Oqartussanut, Kalaallit Nunaanni kommuninut nunallu immikkoortuinut aningaasaqarnikkut kinguneri	Soqanngilaq	Soqanngilaq
Namminersorlutik Oqartussanut, Kalaallit Nunaanni kommuninut nunallu immikkoortuinut allaffissornikkut kinguneri	Soqanngilaq	Soqanngilaq
Kalaallit Nunaanni inuussutissarsiortunut aningaasaqarnikkut kinguneri	Soqanngilaq	Soqanngilaq
Kalaallit Nunaanni inuussutissarsiortunut allaffissornikkut kinguneri	Soqanngilaq	Soqanngilaq
Avatangiisinut tunngasunut kinguneri	Soqanngilaq	Soqanngilaq
Kalaallit Nunaanni innuttaasunut allaffissornikkut kinguneri	Soqanngilaq	Soqanngilaq
EU-mi inatsisinut pissutsit	Inatsisissatut siunnersuut EU- mi inatsisinut tunngasortaqaanngilaq	

*Inatsisissatut siunnersuummi aalajangersakkanut ataasiakkaanut oqaaseqaatit*

*§ 1-imut*

*Nr. 1-imut*

Inatsit atuuttoq malillugu suliani sulisilluni ajoqusernertut tunngasuni Arbejdsmarkedets Erhvervssydomssikringi sillimmasiisarfiit naligalugit peqataavoq, taamaattumillu suliani inuussutissarsiutinit nappaatigilikkanut tunngasuni sulianik suliarinninnermut akuutinneqartarluni. Tamanna ilaatigut inatsimmi atuuttumi § 1, imm. 2-mi aamma § 47, imm. 2-mi takuneqarsinnaavoq.

Arbejdsmarkedets Erhvervssygdomsikring atorunnaarsinneqassamat, kiisalu inuussutissarsiutinit nappaatigilikkanut aamma ajoqusernut qimataasunullu taarsiissutinik il.il. akiliinermut aningaasartuutit aningaasalersornerannut atatillugu suliassat suliffeqarfimmut pilersinneqarlaamut Arbejdsmarkedets Erhvervssikringimut nuunneqartussaammata, tak. suliffeqarfik imminut pigisoq Arbejdsmarkedets Erhvervssikringit pillugu inatsit, inatsimmi atuuttuumi aalajangersakkani Arbejdsmarkedets Erhvervssygdomsikringimut innersuussinerit, ilanngullugit § 1, imm. 2, aamma § 47, imm. 2, allangortinneqartariaqarput, taamaasilluni Arbejdsmarkedets Erhvervssikringimut innersuussisoqassamat.

Arbejdsmarkedets Erhvervssygdomsikringimip atorunnaarsinneqarnerata kinguneranik, § 1, imm. 2-mi aamma § 47, imm. 2-mi aalajangersakkani Arbejdsmarkedets Erhvervssygdomsikringip peerneqarnissaa inatsisissatut siunnersuummi § 1, nr. 1-imi siunnersuutigineqarpoq.

Arbejdsmarkedets Erhvervssygdomsikringip, inuussutissarsiutinit nappaatigilikkanut aamma ajoqusernut qimataasunullu taarsiissutinik il.il. akiliuteqarnermut aningaasaliissuteqarnermut suliassanik maannamut suliarinnittuusimagaluartup atorunnaarsinneqarnerata siunnersuut kinguneraa, suliarlu taanna maaana suliffeqarfimmut pilersinneqarlaamut Arbejdsmarkedets Erhvervssikringimut nuunneqarpoq.

#### *Nr. 2 – 5-imut*

§ 3, imm. 2-mi aalajangersakkat atuuttut malillugit, inunnut sulisitsisuminnik sullissillutik nunanut allanut aallartitaagallartunut inatsip qanoq atuunnissaanut Arbejdsskadestyrelsip pisortaa maleruagassanik aalajangersaassaaq.

Inatsisissatut siunnersuummi § 1, nr. 5-imi siunnersuutigineqarpoq § 3, imm. 2-mi aalajangersagaq atorunnaarsinneqassasoq.

Tamatuma saniatigut inunnut nunani allani utaqqiisaasumik suliarortitaasunut sulisilluni ajoqusersinnaanermut isumannaarinermut maleruagassanik aalajangersaasinnaanermut suliassaqartitsinermut ministeri § 3, imm. 1 nr. 3-tut nutaakkut piginnaatinneqassasoq inatsisissatut siunnersuummi § 1, nr. 4-mi siunnersuutigineqarpoq.

Inatsisissatut siunnersuummi § 1, nr. 2 aamma 3 tamatuma kinguneranik allanguutinik imaqarput.

Maleruagassanik aalajangersaanissamut piginnaatitaaneq suliassaqtitsinermut ministerimut nuunneqassaaq, inatsisip atorneqarfianut maleruagassanik aalajangersaaneq pineqarmat, tamatumalu inatsisip atorneqarfiisa sinnerinut maleruagassanik aalajangersaasinnaanermut piginnaatitaaneq assigalugu.

Tamatuma saniatigut maleruagassat imarisamikkut allanngortinneqarnissaat siunnersuutigineqanngilaq.

Nr. 6-imut

§ 7, imm. 1, nr. 1-imi aalajangersagaq atuuttoq malillugu Arbejdsskadestyrelsen pisortaata, Erhvervssygdomsudvalgimik isumaqatigiinniareernerme kingorna, tak. § 9, nappaatit suut inuussutissarsiornermit nappaatigilikkanut ilaanerat pillugu allattorsimaffimmik suliaqassaaq.

Siunissami Erhvervssygdomsudvalgip inassuteqareerneratigut inuussutissarsiornermit nappaatigilikkat allattorsimaffiannik suliassaqtitsinermut ministerip aalajangersaasarnissaa inatsisissatut siunnersuummi § 1, nr. 6-ikkut siunnersuutigineqarpoq.

Taamaalilluni nappaatit suut inuussutissarsiornermit nappaatigilikkatut isigineqarsinnaanerannut aalajangersaasinnaatitaaneq Arbejdsskadestyrelsen pisortaanit Erhvervssygdomsudvalgip inassuteqareerneratigut suliassaqtitsinermut ministerimut nuunneqassaaq.

Naappaatit suussusilerneqartarnerat inuussutissarsiutini nappaataalersartut pillugit nalunaarsuutini ilanngunneqarsinnaanerannut killilersuutit allannguinnermi allannguuteqartinneqanngillat.

Nr. 7-imut

Inatsisissatut siunnersuummut nalinginnaasumik oqaaseqaatini takuneqarsinnaasutut suliffeqarfik imminut pigisoq Arbejdsmarkedets Erhvervssikring pilersinneqassaaq, inuillu ajoqusernerinut aalajangersimasunut atatillugu sulianik suliarinninnermik suliassat Arbejdsskadestyrelsimiit tassunga nuunneqassallunik.

Tamatuma kinguneranik inatsisissatut siunnersuummi § 1, nr. 7-imi siunnersuutigineqarpoq

inatsimmi Arbejdsskadestyrelsi Arbejdsmarkedets Erhvervssikringimut allanngortinneqassasoq.

Inatsisip atuutilereerneratigut suliat sulisilluni ajoqusernermut tunngasut Arbejdsskadestyrelsimit maannamutut suliarineqartarnerisut Arbejdsmarkedets Erhvervssikringimit suliarineqartarnissaat siunnersuutikkut qulakkeerneqarpoq.

N. 8-mut

Inatsimmi atuuttumi § 14, imm. 6 aamma 7 malillugit Arbejdsskadestyrelsip pisortaa pisinnaatitaavoq napparsimanermi katsorsarneqarnermut ikiorsiissutinullu akiliutit pillugit maleruagassanik erseqqinnerusunik aalajangersaanissamut. § 28. imm. 2 aamma imm. 7 malillugit, ukiumoortumik isertitat aalajangersarnissaannut kiisalu namminersorlutik inuussutissarsiortut ukiumoortumik isertitaat pillugit maleruagassanut atugassatut sulisitsisumi najugaqarluni nerisaqarnerup najugaqarnerullu nalingi Arbejdsskadestyrelsip pisortaata aalajangersarsinnaavai. § 31, imm. 4 malillugu Arbejdsskadestyrelsip pisortaata Namminersorlutik Oqartussanut isumaqaigiinniareernermigut aningaasaatigut ataavartumik akiliutit akilerneqartarnissaannut maleruagassanik aalajangersaasinnaavoq. Arbejdsskadestyrelsip pisortaa § 39 aamma 43 malillugit nalunaaruteqarneq pillugu maleruagassanik aalajangersaasinnaavoq, ilanngullugit elektronik atorlugu nalunaaruteqarneq aamma nakorsat uppenarsaataannut akiliutit, inatsisip allaffissornikkut aqunneqarneranut pisortat oqartussaasuunik allanik suleqateqarneq kiisalu sulisilluni ajoqusernerup kingorna misissortinnermut katsortartinnermullu atatillugu angalanermut aningaasartuutit il.il. akilerneqarnissaat pillugit maleruagassat. Naggataagullu Arbejdsskadestyrelsip pisortaa Namminersorlutik Oqartussanut isumaqatigiinniareernermigut, § 69 malillugu Ataatsimoorussamik sillimmasiinnermut ilaasortaanermut maleruagassanik erseqqinnerusunik aalajangersaasinnaavoq.

Inatsisissatut siunnersuummi § 1 nr. 8-mi suliassaqartitsinnermut ministerip maleruagassat erseqqinnerusut aalajangersassagai aalajangersakkani arlaqartuni siunnersuutigineqarpoq.

Piginnaatitsinerit taakku suliassaqartitsinnermut ministerimut nuunneqarnissaat siunnersuutip kingunerissavaa. Maleruagassanik atuutilersitsinnginnermi Namminersorlutik Oqartussat attuumassuteqarfiini akuutinneqartarnissaannik tunngaveqarneq attatiinnarneqassaaq.

Maleruagassat ataasiakkaat aalajangersarneqarsinnaasut imarisaasa allanngornerannik siunnersuut kinguneqassanngilaq.

Inatsisissatut siunnersuummi § 3, imm.1-ikkut nalunaarutit inatsisit atuuttut malillugit atuutsinneqalersimasut, atorunnaarsinneqarnissamik allanngortinneqarnissamilluunniit tungaannut atuutissapput.

Nr. 9-mut

Inatsimmi atuuttumi § 14, imm. 7 malillugu napparsinermit katsorsagaanermut il.il. aningaasartuutit matussuserneqarnissaannut piumasagaatit Arbejdsmarkedets Erhvervssygdomssikringimit isummmerfigineqarsinnaanerata pillugu maleruagassanik Arbejdsskadestyrelsen pisortaa aalajangersaasinnaavoq.

Arbejdsmarkedets Erhvervssygdomssikringip atorunnaarsinneqarnissaata kinguneranik Arbejdsmarkedets Erhvervssygdomssikringip § 14, imm. 7-imi aalajangersakkamit peerneqarnissaa inatsisissatut siunnersuummi § 1, nr. 9-mi siunnersuutigineqarpoq.

Arbejdsmarkedets Erhvervssygdomssikringip, inuussutissarsiutinit nappaatigilikkanut aamma ajoqusernut qimataasunullu taarsiissutinik il.il. akiliuteqarnermut aningaasaliissuteqarnermut suliaassanik maannamut suliarinnittuusimagaluartup atorunnaarsinneqarnerata siunnersuut kinguneraa, suliarlu taanna maana suliffeqarimmut pilersinneqarlaamut Arbejdsmarkedets Erhvervssikringimut nuunneqarpoq.

Nr. 10-mut

Sulisilluni ajoqusernermut akuerisaasunut taarsiissutit ajunngitsorsiassallu annertussusaat inatsisikkut atuuttukkat aalajangersagaavoq, annertussutsillu ukiumoortumik naleqqussarneqartarnissaat pillugu maleruagassanik inatsit peqatigisaanik imaqarpoq.

§ 29, imm. 4-mi aalajangersagaq atuuttoq malillugu inatsimmi aningaasanut taaneqartunut naleqqussaanerit suut 1. januarimut tulluuttumut pissanersut, Arbejdsskadestyrelsen pisortaata ukiut tamaasa oktobari naatinnagu nalunaarutigisassavaa.

Arbejdsmarkedets Erhvervssikringimut siulersuisut inassuteqareernerisigut suliassaqartitsinermut ministerip naleqqussaannerit nalunaarutigisassagai inatsisissatut siunnersuummi § 1, nr. 10-mi siunnersuutigineqarpoq.

Aningaasat inatsit malillugu aalajangersarnissaannut (naleqqussarnissaannut) piginnaatitaanerup Arbejdsmarkedets Erhvervssikringimut siulersuisut inassuteqareernerisigut suliassaqartitsinermut ministerimut nuunneqarnissaa inatsisissatut siunnersuutip kingunerissavaa. Aalajangersakkami allanik allanguisoqanngilaq, inatsimmilu aningaasat naleqqussarnissaannut tunngaviit allangortinneqarnatik.

Naleqqussaannerit Arbejdsmarkedets Erhvervssikringip sulineranut sinaakkusiussanut pingaaruteqarput, taamaasillutillu Arbejdsmarkedets Erhvervssikringimut siulersuisunut pingaaruteqarlutik. Taamaattumik naleqqussaannermik suliaqarnermi siulersuisut akuutinneqarnissaat, qanorlu naleqqussaasoqarnissaanik siulersuisut suliassaqartitsinermut ministerimut inassuteqartarnissaat siunnersuutigineqarpoq.

Arbejdsskadestyrelsi pisortaata maannamut maleruagassiorsinnaatinerata suliassaqartitsinermut ministerimut nuunneqarnerata siunnersuut kinguneraa.

Nr. 11-mut aamma 12-imut

Ajoqusertunut qimagaasunullu taarsiissutinik ajunngitsorsiassanillu sillimmasiisarfiit (suliani ajutoornernut tunngasuni) aamma Arbejdsmarkedets Erhvervssygdsmssikring (suliani inuussutissarsiornernit nappaatigilikkanut tunngasuni) inatsit atuuttoq malillugu akiliuteqartarput. Pisuni immikkut ittuni Arbejdsskadestyrelsi § 30, imm. 2-mi aalajangersagaq atuuttoq malillugu taarsiissutinik ajunngitsorsiassanillu ajoqusertunut qimagaasunullu akiliuteqarsinnaavoq, kingornalu aningaasat akiliutigigallakkani sillimmasiisarfimmut imaluunniit Arbejdsmarkedets Erhvervssygdsmssikringimut akiligassanngortillugit.

Assigisaanillu Arbejdsskadestyrelsi inatsimmi atuuttumi § 30, imm. 3 malillugu ullormusianik ajoqusersimasunut akiliuteqarsinnaavoq, kingorna sillimmasiisarfimmit imaluunniit Arbejdsmarkedets Erhvervssygdsmssikringimit utertitassanngorlugit.



”Arbejdsmarkedets Erhvervssygdomssikring”-ip ”imaluunniit tapiissutinit, tak. § 55, sulisilluni ajoqusersinnaanermut isumannaarineq pillugu inatsimmi”-nngorlugu allanngortinneqassasoq inatsisissatut siunnersuummi § 1, nr. 11-mi siunnersuutigineqarpoq. ”imaluunniit Arbejdsmarkedets Erhvervssygdomssikringip” ”imaluunniit tapiissutinit, tak. § 55, sulisilluni ajoqusersinnaanermut isumannaarineq pillugu inatsimmi”-nngorlugu allanngortinneqassasoq inatsisissatut siunnersuummi § 1, nr. 12-imi assigisaanik siunnersuutigineqarpoq.

Siunnersuutip kinguneranik Arbejdsmarkedets Erhvervssygdomssikringip § 30, imm. 2 aamma 3 malillugit pisussaaffii Arbejdsmarkedets Erhvervssikringimut nuunneqassapput, kiisalu tapiissutit § 55 malillugu akiligassiisutiginartut atorlugit aningaasartuutit Arbejdsmarkedets Erhvervssikringip akilertassagai aalajangersarneqarluni.

Siunnersuut Arbejdsmarkedets Erhvervssygdomssikringip atorunnaarsinneqarnissaata, sulisitsisunillu tapiissutit aalajangersarnerannik, naatsorsornerannik akilersinniarnerrannillu suliassaasa kiisalu inuussutissarsiornermit nappaatigilikkat pillugit taarsiissutininik akiliisarnermik suliassaasa Arbejdsmarkedets Erhvervssikringimut nuunneqarnissaasa kinguneranik siunnersuutaavoq.

#### Nr. 13-imut

Ajoqusertoq atorfillit soraarnerussutisiaat pillugit inatsit malillugu soraarnerussutisiaqarsinnaatitaappat imaluunniit qimataasut atorfillit soraarnerussutisiaat pillugit inatsit malillugu sulisilluni ajoqusernerup kinguneranik soraarnerussutisiaqarsinnaatitaappata, § 32, imm. 1-imi aamma 2-mi aalajangersakkat atuuttut malillugit sulisinnaajunnaanermut aamma pilersuisumik annaasaqarnermut taarsiissutit ikilisinneqassapput. Aningaasat piffissami soraarnerussutisiaqalerfiusumi soraarnerussutisiassat qaavasigut, atorfillittut soraarnerussutisiaat qaffaataasa pingajorarterutaasa marluk nalingi annikilliliinerit assigaat.

Inatsit malillugu taarsiiffigitinnissamut pisinnaatitaasunut allanut aalajangersakkat assigisaanik atorneqartarput, pineqartunut soraarnerussutisiaqarnissamut aalajangersakkat, atorfillit soraarnerussutisiaat pillugit inatsimmi maleruagassat assigisaat atorneqarsimappata. Pisuni taamatut ittuni sillimmasiisarfiup imaluunniit Arbejdsmarkedets Erhvervssygdomssikringip aningaasat, ajoquserup imaluunniit qimataasut inatsit manna malillugu taarsiissutisiaannit ilanngaattissatut naatsorsorneqartut amerlaqataat soraarnerussutisiaqartitsisumut akilissavai, tak. § 32, imm. 3-mi aalajangersagaq atuuttoq.

Assigisaanillu ajoqusiisoq taarsiissuteqarnissamut pisussaaffeqartuq imaluunniit taassuma akisussaassutsimut sillimmasiisarfia, sulisilluni ajoqusernerup kinguneranik ajoquserumut

taassumaluunniit qimataanut taarsiissutinik ajunngitsorsiassanilluunniit akiliuteqartoqarsimagunik, taarsiissutit ajunngitsorsiassallu sulisilluni ajoqusernertut sullimmasiisarfimmit imaluunniit Arbejdsmarkedets Erhvervssygdomssikringimit utertitsiffigineqarnissaq pisinnaatitaaffigaat, tak. § 33, imm. 2, oqaaseqatigiit aappaanni aalajangersagaq pineqartoq.

§ 32, imm. 3, oqaaseqatigiit aappaanni, aamma § 33, imm. 2, oqaaseqatigiit aappaanni ”Arbejdsmarkedets Erhvervssikring”-ip ”imaluunniit tapiissutinit, tak. § 55, sulisilluni ajoqusersinnaanermut isumannaarineq pillugu inatsimmi”-nngorlugu allannngortinneqassasoq inatsisissatut siunnersuummi § 1, nr. 13-imi siunnersuutigineqarpoq.

Siunnersuutip nassataraa Arbejdsmarkedets Erhvervssygdomssikringip pisussaaffii aalajangiinerup kingunerisaanik Arbejdsmarkedets Erhvervssikringimut nuunneqassasut, taannalu § 55 malillugu akileqquneqartoq akilerneqassaaq.

Arbejdsmarkedets Erhvervssygdomssikringip atorunnaarsinneqarnissaata sulisitsisunillu tapiissutit aalajangersarnerannik, naatsorsornerannik akilersinniarnannillu suliap kiisalu inuussutissarsitunit nappaatigilikkanit taarsiissutinik akiliuteqartarnerup Arbejdsmarkedets Erhvervssikringimut nuunneqarnerisa siunnersuut kinguneraat.

Nr. 14-imut

Inuussutissarsitunit nappaateqalernermi kommunit utertitsiffigineqarnissamik piumasaqaataat Arbejdsmarkedets Erhvervssygdomssikringip inatsimmi atuuttumi § 33, imm. 1, oqaaseqatigiit siulliit malillugit akilertarpai, aamma § 33, imm. 2, oqaaseqatigiit siulliit malillugit ajoqusiisoq imaluunniit akisussaassutsimut sillimmasiisoq Arbejdsskadestyrelsi suliame taarsiissutit il.il. pillugit suli aalajangiinngitsoq taarsiissutinik akiliisimatillugu, Arbejdsmarkedets Erhvervssygdomssikringi ajoqusiisutut akisussaasumut imaluunniit akisussaassutsimik sillimmasiisarfimmut taarsiissutinik akiliuteqassaaq.

Nakorsap katsorsaananertut, ajoqusernertut suliap sularineqarneranut atatillugu peqataaffigisassatut pisussaaffigisaanertut atatillugu aningaasartuutit Arbejdsmarkedets Erhvervssygdomssikringi § 43, imm. 2, oqaaseqatigiit tallimaanni aalajangersagaq malillugu akiliisussaavoq, inatsimmilu atuuttumi § 52, imm. 6, oqaaseqatigiit sisamaat malillugu inuussutissarsiornermit nappaatigilikkanertut atatillugu aningaasartuutit Arbejdsmarkedets Erhvervssygdomsforsikringip akilissavai, nappaatigiligaq namminersortuni sulinermit imaluunniit namminerisamik angerlarsimaffimmi nappaatigineqalersimappat, taamatullu iliornermit qaammatisiutit malillugit ukiup ingerlanerani sulineq nalunaaquttap akunnerinik katillugit 400-nit sivisunerunngippat.

Aalajangersakkani taaneqartuni ”Arbejdsmarkedets Erhvervssygdomssikring”-ip ”imaluunniit tapiissutinit, tak. § 55, sulisilluni ajoqusersinnaanermut isumannaarineq pillugu inatsimmi”-nngorlugu allanngortinneqassasoq inatsisissatut siunnersuummi § 1, nr. 14-imi siunnersuutigineqarpoq.

Siunnersuutip kinguneranik Arbejdsmarkedets Erhvervssygdomssikringip aalajangersakkat malillugit pisussaaffii Arbejdsmarkedets Erhvervssikringimut nuunneqassapput, § 55-ilu malillugu tapiissutit akiligassiissutigineqartut atorlugit aningaasartuutit Arbejdsmarkedets Erhvervssikringip akilertassagai aalajangersarneqarluni.

Siunnersuut Arbejdsmarkedets Erhvervssygdomssikringip atorunnaarsinneqarnissaata, sulisitsisunillu tapiissutit aalajangersarnerannik, naatsorsornerannik akilersinniarnerrannillu suliassaasa kiisalu inuussutissarsiornermit nappaatigilikkat pillugit taarsiissutinik akiliisarnermik suliassaasa Arbejdsmarkedets Erhvervssikringimut nuunneqarnissaasa kinguneranik siunnersuutaavoq.

Nr. 15-imut

Inatsisip allaffissornikkut aqunneqarneranut kommunalbestyrelsit, Arbejdsmarkedets Erhvervssygdomssikringip kiisalu sillimmasiisarfiit peqataanerannut maleruagassat erseqqinnerusut Arbejdskadestyrelsip pisortaata maleruagassat atuuttumi § 39, imm. 2 malillugu aalajangersassavai.

”Arbejdsmarkedets Erhvervssygdomssikring”-ip aalajangersakkamit peerneqarnissaa inatsisissatut siunnersuummi § 1, nr. 15-imi siunnersuutigineqarpoq.

Inatsisip allaffissornikkut aqunneqarneranut siunissami taamaallaat kommunalbestyrelsit sillimmasiisarfiillu peqataanerannut maleruagassat maleruagassanut ilaanissaat siunnersuutip kingunerissavaa.

Siunnersuut Arbejdsmarkedets Erhvervssygdomssikringip suliffeqarfittut nammineertutut atorunnaarsinneqarnerata suliassaasalu Arbejdsmarkedets Erhvervssikringimut nuunneqarnissaasa kinguneranik siunnersuutaavoq.

## Nr. 16-imut

Inatsisissatut siunnersuummut nalinginnaasumik oqaaseqaatini takuneqarsinnaasutut, Arbejdsmarkedets Erhvervssygdømsikring suliffeqarfittut nammineertutut atorunnaartussaavoq, inuussutissarsiønermillu nappaateqalernerimi aningaasartuutit aningaasalersornissaannut sulisitsisut tapiissutaasa aalajangersarnerannut akilersinniarnerannullu atatillugu Arbejdsmarkedets Erhvervssygdømsikringip suliassai kiisalu suliani sulinerimi ajoqusernertut tunngasuni aalajangersimasuni ajoqusernertut qimataasunullu taarsiissutinik ajunngitsørsiassanillu tamanna pillugu aalajangiinerit malillugit akiliuteqarnissamik suliassai Arbejdsmarkedets Erhvervssikringimut nuunneqassallutik.

Taamaattumik aalajangersakkani arlaqartuni ”Arbejdsmarkedets Erhvervssygdømsikring”-ip” Arbejdsmarkedets Erhvervssikring”-inngorlugu allangortinneqarnissaa inatsisissatut siunnersuummut § 1, nr. 16 malillugu siunnersuutigineqarpoq.

## Nr. 17-imut

Paasisutissanik suniilluunniit sulisilluni ajoqusernertut suliat sularinerannut styrelsip pingaaruteqartutut isigisaannik paasitinneqarnissaq Arbejdsskadestyrelsip § 41, imm. 2-mi aalajangersagaq atuuttoq malillugu piumasarisinnaavaa. Ajoqusernertut nakorsamit styrelsip toqqagaanit misissorneqarnissaat passunneqarnissaallu Arbejdsskadestyrelsip § 43, imm. 1 malillugu piumasarisinnaavaa.

Aalajangersakkani taaneqartuni ”styrelsi” ”Arbejdsmarkedets Erhvervssikring”-inngorlugu allangortinneqassasoq inatsisissatut siunnersuummi § 1, nr. 17-imi siunnersuutigineqarpoq.

Aalajangersakkat malillugit Arbejdsskadestyrelsip maanna pisinnaatitaaffiisa Arbejdsmarkedets Erhvervssikringimit tiguneqarnissaat siunnersuutip kingunerissavaa.

Siunnersuut Arbejdsskadestyrelsip suliassaasa Arbejdsmarkedets Erhvervssikringimut nuunneqarnerisa kinguneraa.

## Nr. 18-imut

Inatsisissatut siunnersuummut nalinginnaasumik oqaaseqaatini takuneqarsinnaasutut suliffeqarfik imminut pigisoq ”Arbejdsmarkedets Erhvervssikring” pilersinneqassaaq, sulianillu inuit ajoqusernerannut tunngasunik suliarinninnermik Arbejdsskadestyrelser maanna suliassai tassunga nuunneqassallutik.

Tamatuma kingunerisaanik aalajangersakkani arlalinni ”Arbejdsskadestyrelser” ”Arbejdsmarkedets Erhvervssikringip”-inngorlugu allanngortinneqarnissaa inatsisissatut siunnersuummi § 1, nr. 18-imi siunnersuutigineqarpoq.

Inatsit atuutilereerpat suliat sulisilluni ajoqusernermut tunngasut Arbejdsskadestyrelserimit maannamut suliarineqartarnerisut Arbejdsmarkedets Erhvervssikringimit suliarineqartarnissaat siunnersuutikkut qulakkeerneqarpoq.

Nr. 19-imut

Suliani inuussutissarsiutinit nappaatigilikkanut tunngasuni Arbejdsskadestyrelser aalajangiinerinik Arbejdsmarkedets Erhvervssygdomsikringi § 49, imm. 1, nr. 3-mi aalajangersagaq atuuttoq malillugu naammagittaalliuuteqarnissamut piginnaatitaavoq. Arbejdsskadestyrelser aalajangiinerinik Arbejdsmarkedets Erhvervssygdomsikringip naammagittaalliorsinnaaneranut suliap akuerineqarneranut apeqqut aamma taarsiissutitut annertussusilernerat ilaapput. Taamatut iliornikkut suliani ajutoornernut tunngasuni pisarneq assigalugu suliani inuussutissarsiutinit naappaatigilikkanut tunngasuni illuatungeriit marluunerannik tunngaveqarneq atuuppoq, tamatumani Arbejdsskadestyrelser aalajangiinerinut sillimmasiisarfiit naammagittaalliuuteqarsinnaatitaagamik. Ajoqusernut qimataasullu Arbejdsskadestyrelser aalajangiinerinut assigisaanik naammagittaalliuuteqarsinnaatitaapput.

Arbejdsskadestyrelser aalajangiinerinik Arbejdsmarkedets Erhvervssygdomsikringip naammagittaalliorsinnaatitaanera atuuttoq Arbejdsmarkedets Erhvervssikringimut nuunneqarsinnaanngilaq, taamaassappat Arbejdsmarkedets Erhvervssikringi suliai aalajangiisartunngussagami, aalajangiinerillu Ankestyrelserimit naammagittaalliuutigineqassanersut aamma isummerfigisartunngussallugu.

§ 49, imm. 4-mi aalajangersagaq atuuttoq malillugu naammagittaalliuuteqarneq kinguartitsissutitut sunniuteqartarpoq, Arbejdsskadestyrelser aalajangiinera sulisitsisumit, sillimmasiisarfiimmit imaluunniit Arbejdsmarkedets Erhvervssygdomsikringimit Ankestyrelserimit suliassiissutigineqarpat.

§ 49, imm. 1, nr. 3-mi aamma § 49, imm. 4-mi aalajangersakkani Arbejdsmarkedets Erhvervssygdomssikring-ip ATP-p siulersuisui-sunngorlugu allanngortinneqarnissaa inatsisissatut siunnersummi § 1, nr. 19-imi siunnersuutigineqarpoq.

Suliani inuussutissarsiornermit nappaatigilikkanut tunngasuni Arbejdsmarkedets Erhvervssikringip aalajangiinerinik ATP-p siulersuisuisa naammagittaalliuuteqarsinnaanerit § 49, imm. 1, nr. 3-mut siunnersuutip kingunerissavaa.

Piginnaatitaanermik taassuminnga ATP-p siulersuisuisa suleqatigiinnut naammagittaalliorfiusartunut, suliani aalajangersimasuni apeqqutit akuersinermut tunngasut taarsiissutinillu annertussusiliineq pillugu Arbejdsmarkedets Erhvervssikringip aalajangiinerinik naliliinissamut pisariaqartitanik piginnaasaqartunut tunniussinissaat piunnaasaqataavoq.

Siulersuisut nammineerlutik suliassamik tiguisuussanngillat, suleqatigiilli naammagittaalliuuteqarfiusartut siulersuisut ataanni inissisimasut tiguisuussallutik. Suleqatigiit naammagittaalliorfiusartut suliani inuussutissarsiornermit naappaatigilikkanut tunngasuni Arbejdsmarkedets Erhvervssikringip aalajangiinerisa imaannik naliliinissamut pisariaqartitanik piginnaaneqalernissaat, piginnaanerminnillu attassiinnarnissaat ATP-p siulersuisuisa akisussaaffigissavaat. Suleqatigiit naammagittaalliorfiusartut arlaannaannulluunniit attuumassuteqassanngillat, Arbejdsmarkedets Erhvervssikringimilu allaffissoornikkut aqutsinermut atatillugu ATP-p allaffissoornikkut aqutsinerata sinneranit avissaarsimatinneqassalluni. Avissaarsimatitsineq ilitersuisinnaanermut sulisullu piginnaatitaanerinit, ininut allaffeqarfinnut, suliamik paasiniaasinnaanernut it-milu periutsinut tunngasutigut atuuppoq. Taamaasilluni sulisut avissaarsimatitaanissaat avissaarsimatitsinermut ilaavoq, taamatut iliornikkut suliamut akuusinnaanermut tunngasunik ajornartorsiuteqartoqalissanngimmat, Arbejdsmarkedets Erhvervssikringimi aalajangiinernut ataasiakkaanut atatillugu suliamut akuusinnaannginnerit ilanngullugit. Suleqatigiit naammagittaalliorfiusartut ATP-p allaffissoornikkut immikkoortoqarfiata avataani pilersinneqarnissaat ilanngullugu piunnaasaqataavoq. Taamaasilluni suliani aalajangersimasuni aalajangiinerit ATP-p siulersuisuisa nammineerlutik suliarissanngilaat. Suliani aalajangiinerit Ankestyrelsimut naammagittaalliuutigineqarnissaat nalilerniarlugu suliat ataasiakkaat siulersuisuni suliarineqarnissaat ATP-p siulersuisuisa aamma piunnaasaqatigisinnaanngilaat.

Suliani inuussutissarsiornermit nappaatigilikkanut tunngasuni Arbejdsmarkedets Erhvervssikringip aalajangiinerinik naammagittaalliorsinnaatitaanerup tamanna naapertuunnerpaamik inissinneqarfigisimanera suliassaqartitsinermut ministerip nalilissavaa.

Arbejdsmarkedets Erhvervssikringip suleqatigiillu naammagittaalliorfiusartut qarasaasiaqarfimmit ataasiinnaasumit aallaaveqarnissaat aporfissaqanngilaq, imminnerminnit avissaarsimatinnissaat piumasagaataaginnarpoq.

ATP-p siulersuisuinit naammagittaalliuutit aamma kinguartitsinermik sunniuteqartarnissaat § 49, imm. 4-mut siunnersuutip kingunerissavaa.

Nr. 20-mut

Pisortat ingerlatsinerat pillugu inatsit malillugu suliani ajoqusernertut tunngasuni aalajangersimasuni paasisissutissanik tamanik suliami illuatungeriit pisinnaatitaapput. Tamanna isumaqarpoq ajoqusertertut qimataasullu illuatungaapput, sillimmasiisarfiit allallu kiisalu Arbejdsmarkedets Erhvervssygdomssikring illuatungeralugit tamarmik paasisissutissanik pisinnaasut.

Suliami illuatungeriit pinnagit allalli taamaallaat paasisissutissanik tamanut saqqummiussisussaataaneq pillugu inatsit malillugu pissarsisinnaapput.

Suliani ajutoornertut tunngasuni aalajangersimasuni Arbejdsmarkedets Erhvervssikringip aalajangiinerinik ATP-p siulersuisuisa naammagittaalliuuteqarsinnaatitaanissaat siunnersuutigineqarpoq. ATP-p siulersuisusui suliami illuatungiusutut inissisimangillat, taamaattumillu Arbejdsmarkedets Erhvervssikringip aalajangiinerata Ankestyrelsimut suliassanngortinneqarnissaata nalilersornissaanut suliassap suliarinissaanut paasisissutissanik pisariaqartinneqartunik pissarsisinnaanatik.

Taamaattumik ATP-p siulersuisuisa Arbejdsmarkedets Erhvervssikringip suliaanik pisortat ingerlatsinerat pillugu inatsimmi kapitali 4 malillugu suliami illuatungeriit assigalugit takunnissinnaatitaanissaat inatsisissatut siunnersuummi § 1, nr. 20-mi siunnersuutigineqarpoq. Taamaasilluni ATP-p siulersuisui illuatungeriit assigalugit takunnissinnatitaanermik periarfissaqalerpoq. Arbejdsskadestyrelsip suliaanit paasisissutissat eqqarsaatigalugit, tamanna sillimmasiisarfiit aamma Arbejdsmarkedets Erhvervssygdomssikringip ullumikkut suliani paasisissutissanik pisinnaanerisa assigaat.

ATP-p siulersuisuisa suliami paasisissutissanik pisortatigoortumik qinnuteqannginnissaat piumasagaataavoq, ullumikkulli paasisissutissat sillimmasiisarfinnut aamma Arbejdsmarkedets

Erhvervssygdømsikringimut atugassiissutigineqartarnerisa assigisaannik paasissutissat siulersuisunut atugassiissutigineqartassapput. Taamaasilluni paasissutissat ATP-p siulersuisuisa pissarsiarisinnaasaasa annertussusaat aalajangersagassatut siunnersuutigineqartumi nassuiarneqarpoq. Paasissutissat qanoq pissarsiarineqarsinnaanerata aalajangersagassatut siunnersuummi nassuiarneqanngilaq.

Tamanna digitalimik pisinnaavoq Arbejdsskadestyrelsen digitalimik atortorissaarutaat ”SeSag” aqutugalugu allatulluunniit periuseqarluni. Taamaallaat paasissutissat ingerlatsinerimut inatsit malillugu illuatungeriit takusinnaasaat SeSag-mut ilaapput.

Suliani Ankestyrelsen aalajangiineri suliami illuatungeriinnit eqqartuussivinnut suliassanngortinneqarsinnaapput. Tamanna isumaqarpoq sillimmasiisarfiit aamma Arbejdsmarkedets Erhvervssygdømsikringi Ankestyrelsen aalajangiinerinik eqqartuussivinnut suliassanngortitsisinnaasut.

Taamaattumik ATP-p siulersuisuisa Arbejdsmarkedets Erhvervssikringip suliaanik pisortat ingerlatsinerata pillugu inatsimmi kapitali 4 malillugu takunnissinnaatitaanissaat ilanngullugu siunnersuutigineqarpoq. Ankestyrelsen aalajangiinerata eqqartuussivinnut ingerlateqqittariaqarneranik naliliinissamut ATP-p siulersuisa tunngavissaqalernissaat tamatuma kingunerissavaa.

Nr. 21-mut

Arbejdsmarkedets Erhvervssygdømsikringip imaluunniit Arbejdsmarkedets Tillægspensionip inatsit malillugu aalajangiineri, § 50-imi aalajangersagaq atuuttoq malillugu, ullormit aalajangiinerup nalunaarutigineqarneraniit sapaatit akunneri sisamat qaangiutsinnagit Arbejdsmarkedets Tillægspensionip naammagittaalliuuteqartarfianut suliassiissutigineqarsinnaapput.

Inatsisissatut siunnersuummi § 1, nr. 21-mi ”Arbejdsmarkedets Erhvervssygdømsikring”-ip ”Arbejdsmarkedets Erhvervssikringip §§ 60-65 malillugit aalajangiineri”-nngorlugu allannngortinneqarnissaa siunnersuutigineqarpoq.

Sulisitsisut §§ 60-65 malillugu tapiissutitut akiliutaat pillugit Arbejdsmarkedets Erhvervssikringip aalajangiinerisa siunissami naammagittaalliuutigineqarsinnaanerata siunnersuutip kingunerissavaa.



Sulisitsisunit tapiissutit aalajangersarnerannik akilersinniarnannillu Arbejdsmarkedets Erhvervssygdomssikringip maanna suliassaasa nuunneqarnerisa siunnersuut kinguneraat.

Nr. 22-mut

Sulisitsisoq sillimmasiinissamut pisussaaffeqartoq § 52, imm. 1 aamma 2-mi aalajangersakkat atuuttut malillugit sulisilluni ajoqusernerit kingunerinut sillimmasiisussaavoq kiisalu inuussutissarsiornermit nappaatigilikkat kingunerinut Arbejdsmarkedets Erhvervssygdomssikringimut ilaalerluni. Namminersorlutik inuussutissarsiortut kiisalu nuliaasut/uiusut suleqataasut, nammineq piumassutsiminnik sillimmasiisut, sulisilluni ajoqusernerit kingunerinut assigisaanik sillimmasiissapput kiisalu Arbejdsmarkedets Erhvervssygdomssikringimut ilaalerlutik.

Inatsisissatut siunnersuummi § 1, nr. 22-mi ”Arbejdsmarkedets Erhvervssygdomssikring”-ip ”Arbejdsmarkedets Erhvervssikring, tak. Arbejdsmarkedets Erhvervssikring pillugu inatsimmi § 3”-nngorlugu allanngortinneqarnissaa siunnersuutigineqarpoq.

Sulisitsisut sillimmasiinissamut piussaaffeqartut inuussutissarsiornermit nappaatigilikkat kingunerinut sillimmasernissaannut pisussaaffiup, kiisalu namminersorlutik inuussutissarsiortut taakkualu nuliaasa/uiisa suleqataasut namminneq piumassutsiminnik inatsit malillugu sillimmasiiniartut sillimmasernissaannut pisussaaffiup Arbejdsmarkedets Erhvervssikringimit tiguneqarnissaat siunnersuutip kingunerissavaa.

Taamaasilluni sulisitsisut namminersorlutillu inuussutissarsiortut il.il. sillimmasiinissamut pisussaaffeqartut, namminerlu piumassutsiminnik sillimmasiisut, sulisilluni ajoqusernerit kingunerinut maannamutut sillimmasiinerimikkut, siunissamilu Arbejdsmarkedets Erhvervssikringimut ilanngunermikkut, maannamutullu tapiissutinik akiliisarnermikkut pisussaaffitik eqqortissavaat.

Inuussutissarsiornermit nappaatigilikkanut aningaasartuutit aningaasaliiffiginerannut taarsiissutinillu akiliuteqartarnermut atatillugu Arbejdsmarkedets Erhvervssygdomssikringip maanna suliassaasa Arbejdsmarkedets Erhvervssikringimut nuunneqarnerisa siunnersuutip kinguneraat.

Nr. 23-mut

§ 52, imm. 6, oqaaseqatigiit pingajuanni aalajangersagaq atuuttoq malillugu Arbejdsskadestyrelsen Finanstilsyni suleqatigalugu oqaaseqatigiit siulliit aamma oqaaseqatigiit aappaasa akornanni agguataarinermut maleruagassat erseqqinnerusut suliarissavai. Taamaalilluni § 52, imm. 6, oqaaseqatigiit siulliit aamma aappaasa malitsigisaanik, namminerisamik angerlarsimaffimmi sulinermi ikiortit imaluunniit namminerisamik sullissilluni sulineq sillimmasiinissamut pisussaaffimmut ilaangillat, taamatut sulineq qaammatisiutit ukiuanni nalunaaquttap akunnerinik 400-nit sivilunerusimangippat. Taamatut ikiortit sulinermi ajoqusernerinut aningaasartuutit Arbejdsskadestyrelsimit siumoortumik akilerneqassapput, sillimmasiisarfinnullu tamanut, sulisilluni ajoqusernermut sillimmasiisimasunut qaammatisiutit ukiui tamaasa agguanneqartarlutik.

Arbejdsmarkedets Erhvervssikringip siulersuisuisa Finanstilsyni suleqatigalugu inassuteqareernerisigut agguataarinermut tamatumunnga maleruagassat suliaassaqartitsinermit ministerip aalajangersassagai § 52, imm. 6, oqaaseqatigiit pingajuanni aalajangersagassat siunnersuutigineqartumi siunnersuutigineqarpoq.

Ajutoornernut, taamatut sulisilluni pisunut aningaasartuutit agguataarneqarnissaat pillugu Arbejdsmarkedets Erhvervssikringip Finanstilsyni suleqatigalugu suliaassaqartitsinermit ministerimut inassuteqaasiornissaa siunnersuutip kingunerissavaa. Aningaasartuutit taakku agguataarnissaat pillugu siunissami maleruagassat maannamutut tunngaveqarluni aalajangersagaanissaat piunnaasaataavoq. Taamaasilluni piginnaatitaanerup suliaassaqartitsinermit ministerimut nuunneqarnera tunuliaqutaralugu allannguisoqarnissaa eqqarsaataangilaq.

Siunnersuut Arbejdsskadestyrelsen pisortaata maannamut piginnaatitaanerata suliaassaqartitsinermit ministerimut nuunneqarnerata kinguneranik siunnersuutaavoq.

Nr. 24-mut aamma 25-mut

§ 52, imm. 6-imi oqaaseqatigiit tallimaanni arfernannilu, aamma § 53, imm. 1-imi oqaaseqatigiit sisamaanni tallimaannilu aalajangersakkat atuuttut malillugit, inuussutissarsiordermit nappaatigilikkanut aningaasartuuteqartoqartillugu, Arbejdsskadestyrelsen suliaqarfimmut sorlermut

attuumassutit pillugit Arbejdsmarkedets Erhvervssygdomssikringi ilisimatissavaa, tamatumani sunnerneqaatit qanoq ittuuneri, qanoq sakkortutigineri taakkualu piffissamut qanoq sivisutigisumut atuuneri mianerineqassallutik.

Tamatuma kingorna Arbejdsmarkedets Erhvervssygdomssikringip aningaasartuutit suliaqarfimmut aalajangersimasumut ilanngutissavai.

§ 52, imm. 6-imi oqaaseqatigiit tallimaanni arfernannilu aalajangersakkat, inuussutissarsiornermit nappaatigilikkanit, namminerisamik sullissinermi aamma namminerisamik angerlarsimaffimmi pilersunut kiisalu inunnut qularnaveeqqusigaasunut, ATP-mik aaqqissuussinermut ilaanngitsunut taarsiissutit il.il. aningaasalersornerannut tunngasuupput. § 53, imm. 1-imi oqaaseqatigiit sisamaat tallimaallu suliat inuussutissarsiornermit nappaatigilikkanut tunngasut aningaasalersornerannut nalinginnaasumik tunngasuupput.

Arbejdsmarkedets Erhvervssikringip sunnerneqarneqaatit qanoq ittuuneri, qanoq sakkortutigineri taakkualu piffissamut qanoq sivisutigisumut atuuneri mianeralugit, aningaasartuutit suliaqarfimmut aalajangersimasumut inissittassagai inatsisissatut siunnersuummi § 1, nr. 24-mi 25-milu siunnersuutigineqarpoq.

Suliaqarfimmut sorlermut attuumassuteqarneq Arbejdsmarkedets Erhvervssygdomssikringip, suliani inuussutissarsiornermit nappaatigilikkat pillugit taarsiissutinut allaffissornikkut ingerlatsinermut aningaasartuutinik akiliisussaasumut pingaaruteqarpoq, tak sulisilluni ajoqusernermut isumannaarineq pillugu inatsimmi § 58 a, taamaasillunilu aamma sulisitsisut Arbejdsmarkedets Erhvervssygdomssikringimut akiliutigisartagaannut pingaaruteqarluni.

Siunissami allaffissornikkut aqutsinermi tunngaviusup atuuttup attatiinnarneqarnissaa siunnersuutip kingunerissavaa, tamatumani Arbejdsskade styrelsen aamma Arbejdsmarkedets Erhvervssygdomssikringip maanna suliasai Arbejdsmarkedets Erhvervssikringimit tiguneqassallutik.

Nr. 26-mut

Ajoquserneq inuit sillimmasigaasut inuup inuuneranik annaassiniarnerisa kingunerannik pisimappat, sillimmasiisarfiup imaluunniit Arbejdsmarkedets Erhvervssygdomssikringip akiliutai § 53, imm. 5-

imi aalajangersagaq atuuttoq malillugu naalagaaffiup karsianit utertinneqassapput, tak. inatsimmi § 4, imm. 2, nr. 3.

Inatsimmi oqaasertaliussat allangortinneqarnissaat inatsisissatut siunnersuummi § 1, nr. 26-mi siunnersuutigineqarpoq, taamaasilluni ”Arbejdsmarkedets Erhvervssygdomssikring” ”Arbejdsmarkedets Erhvervssikring”-imut allangortinneqassalluni.

Akiliutit Arbejdsmarkedets Erhvervssikringip Arbejdsmarkedets Erhvervssikringi pillugu inatsisissatut siunnersuummi nassiuuneqartumi § 3 malillugu suliassanik suliarinninnermut atatillugu akilersimasai, siunnersuutip kinguneranik naalagaaffiup karsianit utertinneqassapput.

Inuussutissarsiornermit nappaatigilikkanut aningaasartuutit aningaasaliiffiginerat eqqarsaatigalugu Arbejdsmarkedets Erhvervssygdomssikringip suliassaasa Arbejdsmarkedets Erhvervssikringimut nuunneqarnissaasa siunnersuut kinguneraat.

Nr. 27-mut

Inuussutissarsiornermit nappaatinut, innuttaasutut, nunap immikkoortuinut kommunimulluunniit pisussaaffigisat isumagineranni pilersunut aningaasartuutinik Arbejdsmarkedets Erhvervssygdomssikringi § 53, imm. 8, oqaaseqatigiit aappaanni aalajangersagaq atuuttoq malillugu akiliissaaq. Innuttaasutut kommunimulluunniit pisussaaffiit suliarinerisa kingunerannik ajoqusernerit § 4, imm. 1, nr. 2-mi aalajangersagaq malillugu inatsimmut ilaapput.

§ 53, imm. 8. oqaaseqatigiit aappaata imatut oqaasertalerneqarnissaa”Sulinikkut nappaatitigut ajoqusernermut taamatut ittunut Arbejdsmarkedets Erhvervssikring inatsit malillugu akiliuteqassaaq, tak. Sulisilluni ajoqusersinnaanermut isumannaarineq pillugu inatsimmi § 55” inatsisissatut siunnersuummi § 1, nr. 27-mi siunnersuutigineqarpoq.

Arbejdsmarkedets Erhvervssikringip tamatumunnga aningaasartuutinik siunissami akiliisarnissaa siunnersuutip kinguneraa, aningaasartuutillu aningaasanit, sulisilluni ajoqusernermut isumannaarineq pillugu inatsimmi § 55 malillugu sulisitsisunit tapiissutitut akileqquneqartut atorlugit akilerneqartassallutik.

Inuussutissarsiornermit nappaatigilikkat pillugit aningaasartuutit aningaasaliiffiginissaannut

atatillugu Arbejdsmarkedets Erhvervssygdомssikringip maanna suliassaasa Arbejdsmarkedets Erhvervssikringimit tiguneqarnerisa siunnersuut kinguneraat.

§ 28-mut

Suliani sulisilluni ajoqusernermut tunngasuni taarsiissuteqarnermut, ajunngitsorsiassanut kiisalu suliat allaffissornikkut aqunneqarnerannut aningaasartuutit sillimmasiisarfinnit akilerneqassapput, taakku sillimmasiineranut akiliutinut sulisitsisunut akileeqqusisartuummata. Inatsimmi atuuttumi § 54 sioqqullugu tamatumunnga attuumassuteqartumik qulequtaqarpoq.

Inuussutissarsiordermit nappaatigilikkat pillugit aningaasartuutit aningaasaliiffigineqartarnerat eqqarsaatigalugu Arbejdsmarkedets Erhvervssygdомssikringip suliassai inatsisissatut siunnersuutikkut Arbejdsmarkedets Erhvervssikringimut nuunneqassapput.

§ 54 sioqqullugu qulequttap ”Sillimmasiineq”-miit ”Sulisilluni ajoqusernerit”-inngorlugu allangortinneqarnissaa inatsisissatut siunnersuummi § 1, nr. 28-mi siunnersuutigineqarpoq.

Sulisilluni ajoqusernerna aningaasartuutit aningaasaliiffigineqarnerannut atatillugu aningaasaliissuteqarnermut maleruagassat allangortinneqarnissaat eqqarsaataannngilaq.

Nr. 29-mut

§ 55-imi oqaaseqatigiit pingajuanni aalajangersagaq atuuttoq sillimmasiisarfinni akuerisaasuni sulisitsisunit sillimmasigaanngitsunit sillimmasiineranut akiliutit akilersinneqartut agguataarnerannut tunngasuvoq. Maleruagassat Arbejdskadestyrelsimiit Finanstilsyni suleqatigalugu sulisilluni ajoquserneranut isumannaarineq pillugu inatsimmi § 51 malillugu aalajangersagaasut malillugit agguataarineq taanna pisarpoq.

Inatsisissatut siunnersuummi § 1, nr. 29-mi allanguutissatut siunnersuutigineqarpoq “Arbejdskadestyrelsi Finanstilsyni suleqatigalugu”-miit “suliassaqartitsineranut ministeri Arbejdsmarkedets Erhvervssikring siulersuisuisa Finanstilsyni suleqatigalugu inassuteqarnerisa kingorna” –nngorlugu.

Akiliutit akilersinneqartut agguataarneqarnissaat pillugu Arbejdsmarkedets Erhvervssikringip Finanstilsyni suleqatigalugu suliassaqtitsinermut ministerimut inassuteqaasiornissaa siunnersuutip kingunerissavaa. Agguataarineq pillugu siunissami maleruagassat maannamutut tunngaveqarluni aalajangersagaanissaat piumasaqaataavoq. Taamaasilluni piginnaatitaanerup suliassaqtitsinermut ministerimut nuunneqarnera tunuliaqutaralugu allannguisoqarnissaa eqqarsaataangilaq.

Siunnersuut maleruagassiornissamut Arbejdsskade styrelsen pisortaata maannamut piginnaatitaaffiata suliassaqtitsinermut ministerimut nuunneqarnerata kinguneraa.

Nr. 30-mut

Sulianut inuussutissarsiornermit nappaatigilikkanut tunngasuni taarsiissuteqarnermut, ajunngitsorsiassaqtitsinermut kiisalu allaffissornikkut aqutsinermut aningaasartuutit maleruagassat atuuttut malillugit Arbejdsmarkedets Erhvervssygdomssikringimit akilerneqassapput. Inatsimmi atuuttumi § 60 sioqqullugu tamatumunnga attuumassuteqartumik qulequtaqarpoq.

Inuussutissarsiornermit nappaatigilikkanut aningaasartuutit eqqarsaatigalugit aningaasaliinermut atatillugu Arbejdsmarkedets Erhvervssygdomssikringip suliassai inatsisissasut siunnersuutikkut Arbejdsmarkedets Erhvervssikringimut nuunneqassapput.

§ 60 sioqqullugu qulequttap ”Arbejdsmarkedets Erhvervssygdomssikringimut akuersineq”-rup ”Inuussutissarsiornermit nappaatigilikkat”-nut allanngortinneqarnissaa inatsisissasut siunnersuummi § 1, nr. 30-mi siunnersuutigineqarpoq.

Sulisilluni ajoqusernerna aningaasartuutit aningaasaliiffigineqarnerannut atatillugu aningaasaliissuteqarnermut maleruagassat imarisamikkut allanngortinneqarnissaat eqqarsaataangilaq.

Nr. 31-mut

Tapiissutit il.il. akilerneqarnissaat pillugu maleruagassat inatsimmi atuuttumi § 61, imm. 1 malillugu Arbejdsmarkedets Erhvervssygdomssikringip siulersuisuinit aalajangersarneqassapput.

Inatsisissatut siunnersuummi § 1, nr. 31-mi ”Arbejdsmarkedets Erhvervssygdomssikringip siulersuisuisa aalajangersassavaat”-ip ”Arbejdsmarkedets Erhvervssikringip siulersuisuisa inassuteqareernerisigut suliassaqaqtitsinermut ministerip aalajangersassavai”-inngorlugu allangortinneqarnissaa siunnersuutigineqarpoq.

Arbejdsmarkedets Erhvervssikringip siulersuisuisa inassuteqareernerisigut suliassaqaqtitsinermut ministerip maleruagassanik siunissami aalajangersaasarnissaa siunnersuutip kingunerissavaa.

Siunnersuut inatsit malillugu maleruagassiornissamut maannamut piginnaatitaanerit suliassaqaqtitsinermut minisiterimit tiguneqarnerisa kinguneranik sinnersuutaavoq.

Nr. 32-mut

Inuussutissarsiornermit nappaateqartoqalersillugu, sulisitsisorlu isumannaarinissamut pisussaaffeqartoq tapiissutinik akiliisimangippat, taarsiissutinut aamma allaffissornikkut ingerlatsinermut il.il. aningaasartuutit Arbejdsmarkedets Erhvervssygdomssikringip § 62, imm. 1-imi aalajangersagaq atuuttoq malillugu siumoortumik akilerallassavai.

Inatsisissatut siunnersuummi § 1, nr. 32-mi ”Arbejdsmarkedets Erhvervssygdomssikring”-ip ”Sulisilluni ajoqusernermut isumannaarineq pillugu inatsimmi § 55 malillugu Arbejdsmarkedets Erhvervssikringip tapiissutaanit”-inngorlugu allangortinneqarnissaa siunnersuutigineqarpoq.

Aningaasartuutit Arbejdsmarkedets Erhvervssygdomssikringip maannamut siumoortumik akilertarsimasaasa Arbejdsmarkedets Erhvervssikringimit akilerneqarsinnaanerit siunnersuutip kingunerissavaa, sulisilluni ajutoornernut isumannaarineq pillugu inatsimmi § 55 malillugu tapiissutit sulisitsisut akilertagaat atorlugit aningaasartuutit taakku akilerneqartarnissaat erseqqissaatigineqarmat.

Siunnersuut Arbejdsmarkedets Erhvervssygdomssikringip atorunnaarsinneqartussaanerata, kiisalu inuussutissarsiornermit nappaatigilikkanut aningaasartuutit taarsiissutinillu akiliutit aningaasalersornerannik suliassat Arbejdsmarkedets Erhvervssikringimut nuunneqarnissaasa kinguneranik siunnersuutaavoq.

Nr. 33-mut

§ 63 sioqqullugu qulequtaq atuuttoq imaappoq ”Arbejdsmarkedets Erhvervssygdomssikringimut tapiissutit tamarmiusut aalajangersarnerat”.

Qulequttap atorunanaarsinneqarnissaa inatsisissatut siunnersuummi § 1, nr. 33-mi siunnersuutigineqarpoq.

Siunnersuut Arbejdsmarkedets Erhvervssygdomssikringip atorunnaarsinneqartussaanerata, kiisalu inuussutissarsiornermit nappaatigilikkanut aningaasartuutit taarsiissutinillu akiliutit aningaasalersornerannik suliasat Arbejdsmarkedets Erhvervssikringimut nuunneqarnissaasa kinguneranik siunnersuutaavoq.

Nr. 34-mut

Sulisilluni ajutoornernut isumannaarineq pillugu inatsimmi inuussutissarsiornermi nappaatigilikkanut aningaasartuutit matussusernissaannut tapiissutit pillugit §§ 58-58 c-mi maleruagassat, sulisitsisunut sulisilluni ajoqusernertut isumannaarineq pillugu Kalaallit Nunaanni inatsit malillugu isumannaarinissamut pisussaaffeqartunut inatsimmi atuuttumi § 63 malillugu assigisaanik atuupput.

Inatsisissatut siunnersuummi § 1, nr. 34-mi ”Arbejdsmarkedets Erhvervssygdomssikring”-ip ”Arbejdsmarkedets Erhvervssikringi, tak. Arbejdsmarkedets Erhvervssikringi pillugu inatsimmi § 3”-inngorlugu allanngortinneqarnissaa siunnersuutigineqarpoq.

Arbejdsmarkedets Erhvervssygdomssikringimut tapiissutit tamarmiusut aalajangersarneqarnerannut maleruagassat atuuttut siunnessami Arbejdsmarkedets Erhvervssikringimut atuutilernissaat siunnersuutip kingunerissavaa.



Siunnersuut Arbejdsmarkedets Erhvervssydomssikringip suliffeqarfitut nammineertut atorunnaarsinneqartussaanerata, suliassallu Arbejdsmarkedets Erhvervssikringimit tiguneqartussaanerisa kinguneranik siunnersuutaavoq.

Nr. 35-mut

Pissutsinik inatsimmut ilaasunik, pineqartunullu tunngasunik Arbejdsskadestyrelsip aamma Ankestyrelsip allaffissornikkut aqutsinerannut sillimmasiisarfiit sulisilluni ajoqusernertut sillimmasiisut aamma Arbejdsmarkedets Erhvervssydomssikringi § 64-imi aalajangesakkat atuuttut malillugit akiliuteqartarput.

Akiliuteqarnermut taakkuninngalu akiliisitsiniarnermut maleruagassat suliassaqartitsinermut ministerimit aalajangersarneqartarput. Arbejdsskadestyrelsip pisortaata akiliutit annertussusaat ukiumoortumik nalunaarutigisarpaa.

Suliamut nalunaarutigineqartumut ataatsimut akigititat tunngavigalugit allaffissornikkut aqutsinermut akiliutit maleruagassat atuuttut tunngavigalugit naatsorsorneqassapput. Siullermeertumik nalunaarutigineqartunut suliareqqinneqalersunullu akiliuteqartoqartassaaq, aqutsisoqarfiup suliat aalajangiiffigineqareersut misissoqqinneqartussatut aalajangigai ilanngullugit. Ankestyrelsimi allaffissornikkut aqutsinermut akiliutit suliamut aallartinneqartumut ataatsimut akigititat tunngavigalugit naatsorsorneqassapput. Akigititat annertussusaat ullumikkut ukiumoortumik akuersissutinut inatsisisit tunngavigalugit naatsorsorneqartarput.

Tunngaviit qulaani taaneqartut ingerlateqqinneqassammata § 64-ip nutaamik oqaasertalerneqarnissaa inatsisissatut siunnersuummi § 1, nr. 35-mi siunnersuutigineqarpoq.

Pissutsinik inatsimmut ilaasunik Arbejdsmarkedets Erhvervssikringip aamma Ankestyrelsip allaffissornikkut aqutsinera tulliuuttunit aningaasalersorneqarnissaa § 64, imm. 1-mi aalajangersagassatut siunnersuummi siunnersuutigineqarpoq:

- 1) Suliat sulisilluni ajoqusernertut tunngasut, pineqartunut tungasuusut eqqarsaatigalugit sillimmasiisarfiit, sulisilluni ajoqusernertut sillimmasiisut,
- 2) Arbejdsmarkedets Erhvervssikringi, inuussutissarsiornermit nappaatigilikkanut aningaasartuutit

anigaasaliissutiginerannut tapiissutit ilaattut, tak. sulisilluni ajoqusernertut isumannaarineq pillugu inatsimmi § 55, suliat inuussutissarsiortnermit nappaatigilikkat pineqartillugit, aamma

3) Naalagaaffik, Namminersorlutik Oqartussat kommunillu, nammineerluni sillimmasertermut periarfissaq atorsimagunikku, tak. § 52, imm. 5.

Suliat sulisilluni ajoqusernertut tunngasut Arbejdsmarkedets Erhvervssikringimi aamma Ankestyrelsimi allaffissornikkut aqunneqarnerisa maannamutut ililluni sillimmasiisarfinnit il.il., suliani taarsiissutitut ajunngitsorsiassanullu anigaasartuutit akiliisareersunit akilerneqartarnissaat siunnersuutit kingunerissavaa. Anigaasartuutit taakku anigaasaliiffiginissaannut sillimmasiisarfiit sulisitsisunut akiliutinik akileeqquisinnaapput.

Arbejdsmarkedets Erhvervssikringip, tak. Arbejdsmarkedets Erhvervssikringi pillugu inatsisissatut siunnersuummi nassiunneqartumi § 3, suliat inuussutissarsiortnermit nappaatigilikkanut tunngasut Arbejdsmarkedets Erhvervssikringimi suliarineqartut allaffissornikkut aqunneqarnerat, tapiissutit sulisissuluni ajoqusernertut isumannaarineq pillugu inatsimmi § 55 malillugu akilerneqartut atorlugit akiliisarnissaa siunnersuutit ilanngullugu kingunerissavaa. § 55 malillugu tapiissutit sulisitsisunut akileqquneqartarput.

Imm. 1-imi siunnersuutit inatsimmi atuuttumi § 64, imm. 1 pingaarnertigut assigaa. Imm. 1-imi oqaaseqatigiit aappaanni pingajuannilu piginnaatitsinerit imm. 5-imut nuunneqarput.

Suliamut ataatsimut nalunaarutigineqartumut akigititaq tunngavigalugu allaffissornikkut aqutsinermut akiliutit naatsorsorneqartarnissaat *imm. 2*-mi aalajangersagassatut siunnersuummi siunnersuutigineqarpoq. Siullermeertumik nalunaarutigineqartut suliareqqinneqalersullu kiisalu suliat aalajangiivigineqareersut misissoqqitassatut Arbejdsmarkedets Erhvervssikringimit aalajangerneqartut suliarinerannut akiliisoqartassaaq.

Aalajangersagaq taanna inatsimmi namminermit nutaajuvoq. Suliat sulisilluni ajoqusernermut tunngasut allaffissornikkut aqunneqarnerannut ukiumoortumik akigititat anigaasartuutit matussuserneqarnissaat tunngavigalugu aalajangersaganissaat suli piumasaqaataavoq. Tamanna isumaqarpoq anigaasartuutit suliasamik suliarinninnermut attuumassuteqartut tamarmik akigititanit matussuserneqartussaasut, akitsuutitut akiliutinullu allanut akigititat aalajangersarneqartarnerat pillugu maleruagassat aallaavigineqassallutik, tamatumani piffissami ukiunik arlalinnik sivilisussuseqartumi isertitat anigaasartuutillu imminnut oqimaaqatigiinnissaat anguniagaassalluni.

Arbejdsskadestyrelserne pisortaata Sillimmasiisarfiit il.il. aamma Arbejdsmarkedets Erhvervssygdomssikringi paasissutissanik pineqartunik saqqummiusseqqullugit inatsimmi atuuttumi § 64, imm. 2 malillugu pisussaaffilersinnaavai.

Sillimmasiisarfiit il.il. imm. 1-imi taaneqartut naatsorsueqqissaarnikkut paasissutissanik assigisaannillu saqqummiusseqqullugit Suliassaqaartitsinermit ministerip pisussaaffiliisinaanera imm. 3-mi aalajangersagassatut siunnersuummi siunnersuutigineqarpoq.

Akiliutinut taakkuninngalu akileeqqusinermit maleruagassat suliassaqaartitsinermit ministerip maleruagassat atuuttut malillugit aalajangersassavai. Allaffissornikkut aqutsimut ukiumoortumik akiliutit Arbejdsskadestyrelserne pisortaanit aalajangersarneqartarput.

Inatsisissatut siunnersuummi piginnaatitaanerit allat nuunneqarnerat assigalugu piginnaatitaanerup Arbejdsskadestyrelserne pisortaanit suliassaqaartitsinermit ministerimut nuunneqarnissaa siunnersuutigineqarpoq. Arbejdsmarkedets Erhvervssikringip paasissanik pineqartunik tapertaasarnissaa ilanngullugu siunnersuutigineqarpoq

akiliinermit, akigitat annertussusaannut taakkualu akilersinniarnernut maleruagassat suliassaqaartitsinermit ministerip aalajangersassagai, imm. 4-mi aalajangersagassatut siunnersuutigineqartumi siunnersuutigineqarpoq, Ankelstyrelsimut maleruagassat eqqarsaatigalugit isumaginninnermit nunamullu namminermit ministerimik siumaqatigiinniareernerup kingorna aalajangersaanissaa ilanngullugu. Arbejdsmarkedets Erhvervssikringip siulersuisuisa inassuteqareernerisigut akiliutit annertussusaat suliassaqaartitsinermit ministerip ukiumut ataasiarluni nalunaarutigisassagai ilanngullugu siunnersuutigineqarpoq, Ankestyrelserne akigititai eqqarsaatigalugit isumaginninnermit nunamullu namminermit ministerimut siumaqatigiinniareernerup kingorna nalunaaruteqartarnissaa ilanngullugu.

Taamaasilluni ukiumoortumik akigitat aalajangersarnissaannut piginnaatitaanerup Arbejdsskadestyrelserne pisortaanit suliassaqaartitsinermit ministerimut nuunneqarnissaa siunnersuutigineqarpoq. Suliata aalajangersimasut suliarineqartarnerat eqqarsaatigalugu Arbejdsskadestyrelserne maanna suliassaasa Arbejdsmarkedets Erhvervssikringimut nuunneqarnissaat siunnersuummut pissutaavoq.

Suliat sulisilluni ajoqusernermit tunngsut suliarineqarnerannut § 64 malillugu akiliutit saniatigut missingersuutitut oqaaseqaatinut kiisalu § 74 malillugu namminerisamik taarsiiffigitinnissamik suliat sularineranni naatsorsuinermit Arbejdsskadestyrelsi akileeqqusisarpoq.

Nr. 36-mut

Aningaasat Arbejdsskadestyrelsimi § 30, imm. 2, § 52, imm. 6 aamma § 56, imm. 1 imaluunniit 5, imaluunniit Arbejdsmarkedets Erhvervssygdomssikringimit § 62 malillugu akilerallarneqartut, § 65, oqaaseqatigiit siulliit malillugit ukiumoortumik ernialerneqartarput, Nationalbankip aningaasanik niuerfinni ullormiit ullormut erniatut naatsorsugaasa agguaqatigiissinnerisa annertoqataannik ernialerlugit.

Arbejdsmarkedets Erhvervssygdomssikringip aalajangersakkamit peerneqarnissaa inatsisissatut siunnersuummi § 1, nr. 55-imi siunnersuutigineqarpoq.

Maleruagassat taakku Arbejdsmarkedets Erhvervssikringimut attatiinnarneqarnissaat siunnersuutip kingunerissavaa.

Siunnersuut Arbejdsskadestyrelsip aamma Arbejdsmarkedets Erhvervssygdomssikringip suliassaasa Arbejdsmarkedets Erhvervssikringimut nuunneqarnissaasa kinguneraat.

Nr. 37-mut

Taarsiiffigitinnermik sulianut aningaasat akilerallakkat ernialersornerat pillugu maleruagassat aamma Ataatsimoortumik sillimmasiinnermut akiliutinut tapiissutit pillugit maleruagassat Arbejdsskadestyrelsip pisortaata § 65, oqaaseqatigiit aappaanni aamma § 68, imm. 4-mi aalajangersakkat atuuttut malillugit aalajngersassavai, tak. inatsimmi § 67.

Arbejdsskadestyrelsip pisortaata suliassaqartitsinnermut ministerimut allanngortinneqarnissaa inatsisissatut siunnersuummi § 1, nr. 37-mi siunnersuutigineqarpoq.

Ernianik naatsorsuineq pillugu maleruagassat aalajangersarnissaannut piginnaatitaanerup suliassaqartitsinnermut ministerimut nuunneqarnissaa siunnersuutip kingunerissavaa.

Siunnersuut Arbejdsskadestyrelsip pisortaata maleruagassiornissamut maannamut

piginnaatitaanerata suliaasaqartitsinermit ministerimut nuunneqarnerata kinguneraa.

Nr. 38-mut

Inatsimmi § 66 sioqqullugu qulequtaq atuuttoq tassaavoq ”Arbejdsmarkedets Erhvervssygdomssikring”.

§ 66 sioqqullugu qulequttap atorunnaarsinneqarnissaa inatsisisatut siunnersummi § 1, nr. 38-mi siunnersuutigineqarpoq.

Siunnersuut Arbejdsmarkedets Erhvervssygdomssikringip suliffeqarfittut nammineertut atorunnaarsinneqarnissaata, kiisalu inuussutissarsiornermit nappaatigilikkanut aningaasartuutit aamma taarsiissutinik il.il. akiliinerup aningaasaliiffigisarnerat pillugu suliaasat, Arbejdsmarkedets Erhvervssikring pillugu inatsisisatut siunnersuummi nassiunneqartumi § 3 malillugu Arbejdsmarkedets Erhvervssikringimut nuunneqartussaanerisa kinguneraat.

Nr. 39-mut

Sulisilluni ajoqusernertut isumannaarineq pillugu inatsimmi kapitali 11-mi Arbejdsmarkedets Erhvervssygdomssikring pillugu maleruagassat, inuttalersuineq, suliaasat allaffissornikkut aqutsineq, aktuarimut atatillugu pissutsit, ukiumoortumik naatsorsuutit kukkunersiuinerlu, aningaasaliissuteqarnermut maleruagassat nakkutilliinerlu eqqarsaatigalugit assigisaanik atorineqarnissaat pillugu aalajangersakkamik inatsimmi atuuttumi § 66 imaqarpoq.

Inatsisisatut siunnersuummi § 1, nr. 39-mi aalajangersakkap ima oqaasertalernissaa siunnersuutigineqarpoq ”Sulisilluni ajoqusersinnaanermut isumannaarineq pillugu inatsimmi kapitali 11-mi Arbejdsmarkedets Erhvervssikringi pillugu maleruagassat assigisaanik atorineqassapput”.

Sulisilluni ajoqusernertut isumannaarineq pillugu inatsimmi Arbejdsmarkedets Erhvervssikring pillugu kapitali 11-mi maleruagassaat aamma sulisilluni ajoqusernertut isumannaarineq pillugu

inatsit malillugu Kalaallit Nunaanni atuunnissaat siunnersuutip kingunerissavaa.

Siunnersuut Arbejdsmarkedets Erhvervssygdømsikringip suliffeqarfittut nammineertut atorunnaarsinneqarnissaata, kiisalu inuussutissarsiornermit nappaatigilikkanut aningaasaliiffigisarnerat pillugu suliassat, Arbejdsmarkedets Erhvervssikringimut nuunneqartussaanerisa kinguneraat.

Nr. 40-mut

Arbejdsskadestyrelsen inassuteqareerneratigut aamma Kalaallit Nunaanni Namminersorlutik Oqartussanik isumaqatigiinniareernerup kingorna, Akiliutit Ataatsimoortumik Sillimasiinermut ilaasortaanermut akilerneqartussat annertussusaat, suliassaqartitsinermut ministerip inatsimmi atuuttumi § 68, imm. 1 malillugu aalajangersassavai.

”Arbejdsskadestyrelsen”-p ”Arbejdsmarkedets Erhvervssikringip siulersuisui”-sunngorlugu allangortinneqarnissaa inatsisissatut siunnersuummi § 1, nr. 40-mi siunnersuutigineqarpoq.

Arbejdsmarkedets Erhvervssikringip siulersuisa inassuteqareernerisit aamma Kalaallit Nunaanni Namminersorlutik Oqartussanik isumaqatigiinniareernikkut suliassaqartitsinermut ministerip akiliutit annertussusaannik aalajangersaasarnissaa siunnersuutip kingunerissavaa.

Nr. 41-mut

Isumannaarinissamut pisussaasut pisinnaatitaasullu akornanni isumaqatigiissutit inatsimmi aalajangersakkanik atuutsitsinnginnissamik siunertaqarpata imaluunniit taamatut kinguneqarsinnaappata, imaluunniit pisinnaatitaasoq sillimasiinermut akiliutinik sillimmasiisarfirmut akiliissappat imaluunniit Arbejdsmarkedets Erhvervssygdømsikringimut tapiissutinik akiliissappat, inatsit malillugu taakku isumannaarinissamut pisussaasup akilertussaammagit, imaluunniit ikiorsiissutit pisussaaffiusut inatsit malillugu naatsorsorneqassanngippata, inatsimmi atuuttumi § 71 malillugu atorsinnaanngillat. Inatsit malillugu isumannaarineq pissutigalugu aningaasarsianit ilanngaavigineqarnissamik isumaqatigiissutit inatsit malillugu assigisaanik atorsinnaanngillat.

Inatsisissatut siunnersuummi § 1, nr. 41-mi, “Arbejdsmarkedets Erhvervssygdomssikring”-miit “Arbejdsmarkedets Erhvervssikring, tak. 55 Sulisilluni ajoqusersinnaanermut isumannaarinermi inatsit pillugu”-nngorlugu.

Siunnersuut Arbejdsmarkedets Erhvervssygdomssikringip suliffeqarfittut nammineertutut atorunnaarsinneqarnissaata, kiisalu inuussutissarsiornermit nappaatigilikkanut aningaasaliiffisarnerat pillugu suliassat, Arbejdsmarkedets Erhvervssikringimut nuunneqartussaanerisa kinguneraat.

Nr. 42-mut

Arbejdsskadestyrelsimi sulisut, styrelsip nakorsatut siunnersortai ilanngullugit, § 73-imi aalajangersagaq atuuttoq malillugu sillimmasiisarfimmi imaluunniit Arbejdsmarkedets Erhvervssygdomssikringimi atorfeqaqqusaanngillat, taakkualuunniit aquunneqarnerannut peqataaqqusaanatik.

Arbejdsmarkedets Tillægspensioniommi sulisut, ilanngullugit nakorsatut siunnersortit, Arbejdsmarkedets Erhvervssikringimut ikiuunnermik suliaqartut, atorfillillu naammagittaalliuutinik sulianik suliarinninnermut atasumik suliassaqtitaasut, tak. § 49, imm. 1, nr. 3-mi aalajangersagassatut siunnersuut, sillimmasiisarfimmi atorfeqaqqusaannginnerat imaluunniit tassani aqutsinnermut peqataaqqusaannginnerat inatsisissatut siunnersuummi § 1, nr. 42-mi siunnersuutigineqarpoq.

Suliamut akuusinnaanermut maannamut malerugassaasup attatiinnarneqarnissaa siunnersuutip kingunerissavaa,

Arbejdsmarkedets Erhvervssygdomssikringip atorunnaarsinneqarnissaata, suliassallu Arbejdsmarkedets Erhvervssikringimut nuunneqarnissaasa kinguneranik allatut oqaasertaliinissamik siunnersuutaavoq.

Nr. 43-mut

Inuup ajoqusernerisa kinguneri, inatsimmut ilaanngitsut pillugit Arbejdsskadestyrelsi inatsimmi atuuttumi § 74 malillugu oqaaseqaateqartarpoq.

Oqaaseqaatinut taamatut ittunut aningaasat Arbejdsskadestyrelsip pisortaanit § 74, imm. 2 malillugu aalajangersarneqartartut akiliutigineqartarput.

”Arbejdsskadestyrelserne”-ta ”Arbejdsmarkedets Erhvervssikring” inassuteqareernerisigut suliassaqartitsinermit ministeri”-nngorlugu allanngortinneqarnissaa inatsisissatut siunnersuummi § 1, nr. 43-kkut allanngortinneqarpoq.

Missingiutaasumik oqaaseqaatinut akiliutit Arbejdsmarkedets Erhvervssikring inassuteqareerneratigut suliassaqartitsinermit ministerimit aalajangersarneqartarnissaat siunnersuutip kingunerissavaa.

Siunnersuut Arbejdsskadestyrelserne suliassaasa Arbejdsmarkedets Erhvervssikringimut nuunneqarnissaa kinguneranik siunnersuutaavoq.

## § 2-mut

Inatsisip 1. juli 2016-imi atuutilernissaa *imm. 1*-imi siunnersuutigineqarpoq. Peqatigisaanik Arbejdsmarkedets Erhvervssikring pillugu inatsisikkut suliffeqarfik imminut pigisoq Arbejdsmarkedets Erhvervssikring pilersinneqassaaq, tak. Arbejdsmarkedets Erhvervssikring pillugu inatsisissatut siunnersuut nassiunneqartoq.

Suliassaqarfinni, Arbejdsmarkedets Erhvervssikring pillugu inatsimmi § 2 malillugu Arbejdsmarkedets Erhvervssikringimut nuunneqartussaasut, inatsisillu atuutilinnginnerani Arbejdsskadestyrelserni naammassineqareersimasut Arbejdsmarkedets Erhvervssikringip naammassillugit suliarissagai *imm. 2*-mi siunnersuutigineqarpoq.

Suliat tamarmik ullumikkut Arbejdsskadestyrelserni suliarineqartartut suliarineqartarnerat, inatsisip atuutilerneratigut Arbejdsmarkedet Erhvervssikringimut suliarineqartussanngorlugit nuunneqarnissaat siunnersuutip kingunerissavaa.

Suliat suli ingerlanneqartut, inatsisip atuutilernerani Arbejdsskadestyrelserni suli naammassineqanngitsut, suli allu inatsisip atuutilernissaa sioqqullugu naammassereersimasut, kisiannili inatsisip atuutilereernerani suliareqqinneqalersut tamatumani pineqarput. Sulisilluni



ajouqusernertut isumannaarineq pillugu Kalaallit Nunaanni inatsit malillugu suliat eqqarsaatigalugit, Kalaallit Nunaanni Sulisisilluni ajoqusernertut isumannaarinermt Sullissivimmit maannamutut suliarineqartarnissaat piumasaqaataavoq. Suliani taakkunani allaffissornikkut aqutsineq sulisilluni ajoqusernertut isumannaarineq pillugu Kalaallit Nunaannut inatsimmi § 64-imi maleruagassat malillugit aningaasaliiffigineqassaaq.

Aalajangiinerit inatsisip atuutilinnginnerani Arbejdsskadestyrelsiip aalajangigarisaasa, inatsisilli atuutilereernerani nalilersoqqinneqanngitsut imaluunniit ingerlateqqinneqanngitsut Arbejdsmarkedets Erhvervssikringip nalilersoqqittassagai *imm. 3*-mi siunnersuutigineqarpoq, tak. Sulisilluni ajoqusernertut isumannaarineq pillugu Kalaallit Nunaanni inatsimmi § 49, *imm. 6-7*. Aalajangiinerit, Arbejdsskadestyrelsiip inatsisip atuutilinnginnerani aalajangigarisimasaat, inatsisillu atuutilernerani nalilersoqqinneqarsimangitsut, Arbejdsmarkedets Erhvervssikringimit nalilersoqqinneqartarnissaat siunnersuutip kingunerissavaa.

Suliat ingerlareersut il.il. suliarineqarnerisa nutaamik akuersisiteqqaarani Arbejdsmarkedets Erhvervssikringimi ingerlaqqinnarsinnaanerit *imm. 4*-mi siunnersuutigineqarpoq.

Suliat ullumikkut sulisilluni ajoqusersinnaanermut isumannaarineq pillugu Kalaallit Nunaanni inatsit malillugu oqaasertaqanngitsumik akuersineq tunngavigalugu Arbejdsskadestyrelsimit suliarineqartarput. Oqaasertaqanngitsumik akuersinerup kinguneranik nalunaarutip tigusimaneranik allakkatigut uppernarsaammi paasissutissat qanoq ittut pisariaqalersinnaanerit pillugu ajoqusersimasut qimataasulluunniit paasitinneqartarput, taamaassappallu tamatumunnga akerliliinissamat piffissalernerqartarlutik. Suliat Arbejdsmarkedets Erhvervssikringimi suliareqqilernissaannut Arbejdsmarkedets Erhvervssikringip akuersissummik nutaamik piniartariaqannginnera siunnersuutip kinguneraa.

Eqqartuussivimmi suliani, inatsisip atuutilernerani suliani aalajangersimasuni Arbejdsskadestyrelsi akerleralugu imaluunniit taassumanga suliassiissutigineqartuni Arbejdsmarkedets Erhvervssikringip akuulernissaa *imm. 5*-imi siunnersuutigineqarpoq.

Eqqartuussinertut, inatsisip atuutilernerani suliani aalajangersimasuni Arbejdsskadestyrelsi akerleralugu imaluunniit taassumanga suliassiissutigineqartuni Arbejdsmarkedets Erhvervssikringip akuulernissaa siunnersuutip kingunerissavaa.

Sulisilluni ajoqusersinnaanermut isumannaarineq pillugu Kalaallit Nunaanni inatsit malillugu Arbejdsskadestyrelsiip aalajangiineri Ankestyrelsimut suliassiissutigineqarsinnaapput, taassumalu suliat inaarutaasumik allaffissornikkut aalajangiivigissavai. Ankestyrelsiip aamma Arbejdsskadestyrelsiip aalajangiineri eqqartuussivinnut suliassiissutigineqarsinnaapput. Eqqartuussivinnut suliassiissutit amerlanersaat Ankestyrelsi akerleralugu suliassiissutigineqartarput, suliamili illuatungeriit eqqartuussivimmut suliassiineq sioqqullugu allaffissornikkut

naammagittaalliuuteqarnissamut periarfissaq atorluartariaqanngilaat. Eqqartuussivitsigut suliaasiinerit pisariaqanngitsut siunnersuutikkut pinngitsoortinneqassapput.

Arbejdsmarkedets Erhvervssygdømskringip inuussutissarsiornermit nappaatigilikkani suliaasaqarfimmi naliliutaasa pisussaaffisalu Arbejdsmarkedets Erhvervssikringimit tiguneqarnissaat *imm. 6*-imi siunnersuutigineqarpoq. Tamatumunnga atatillugu sulisitsisut 2016-imut akiliutaat Arbejdsmarkedets Erhvervssikringip Arbejdsmarkedets Erhvervssygdømsikringimit tigussavai. Suliat inatsisip atuutilinnginneraneersut pillugit illikartitat, Arbejdsmarkedets Erhvervssygdømsikringimi amerliartuaartinneqarsimasut kiisalu tapissutit sulisitsisut 2016-mut akilersimasaat Arbejdsmarkedets Erhvervssikringip tigussavai.

Suliat aalajangersimasut pillugit Arbejdsskadestyrelsen aamma Arbejdsmarkedets Erhvervssygdømsikringip piumasaqaataannut Arbejdsmarkedets Erhvervssikringip inatsisip atuutilerneratigut inissimalernissaa *imm. 7*-imi siunnersuutigineqarpoq. Suliat aalajangersimasut pillugit Arbejdsskadestyrelsimut aamma Arbejdsmarkedets Erhvervssygdømsikringimut piumasaqaatinut Arbejdsmarkedets Erhvervssikringi inatsisip atuutilerneratigut assigisaanik inissimalissaaq.

Suliani aalajangersimasuni Arbejdsskadestyrelsen aamma Arbejdsmarkedets Erhvervssygdømsikringip pisinnaatitaaffinut pisussaaffinut Arbejdsmarkedets Erhvervssikringip inissimalernissaa *imm. 7*-ip assigisaanik kingunerissavaa. Assersuutigalugu suliat utertitsilluni akiliinermut, taarsiullugu akiliuteqarnermut imaluunniit kingornagut akilerneqarnermut tunngasuusinnaapput. Arbejdsskadestyrelsen inatsisip atuutilinnginnerani ajoqusernumut taarsiissuteqarnissaaq pillugu aalajangiisimappat, taarsiissutinik akiliinissamut pisussaaffik inatsisip atuutilerneratigut Arbejdsmarkedets Erhvervssikringimut nuunneqassaaq, taassumalu assersuutigalugu akiliinissamut piffissaliussat eqqortinneqarnissaat qulakkiissavaa.

Aammattaaq Arbejdsmarkedets Erhvervssygdømsikringi sulisilluni ajoqusernerit isumannaarineq pillugu inatsimmi § 55 malillugu suliffeqarfiumut tapiissutai pillugit akiligassiisummik inatsisip atuutilinnginnerani suliffeqarfiumut nutaamut nassiusaqarsimappat, Arbejdsmarkedets Erhvervssikringi inatsisip atuutilernerani piumasaqartut inissimalissaaq.

### § 3-mut

Nalunaarutit tamarmik, inatsisit maannamut atuuttut malillugit atuuttunngortinneqartut allangortinneqarnissamik atorunnaarsinneqarnissamilluunniit tungaannut nalinginnaasumik atuuttuarnissaat *imm. 1*-imi siunnersuutigineqarpoq. Sulisilluni ajoqusernerit pillugit suliat aalajaatumik allaffisornikkut aqunneqarnissaat tamatumuuna qulakkeerneqassaaq, kiisalu nalunaarutit allangortinneqaratik qanoq annertutigisumik ingerlateqqinneqarnissaat allangortinneqarnissaalluunniit pillugu suliaasaqartitsinermut ministerip Arbejdsmarkedets Erhvervssikringi peqatigalugu isummernissaa qulakkeerneqassalluni.

Arbejdsskadestyrelsimi aamma Ankestyrelsemi sulianik allaffissornikkut aqutsineq pillugu akigititat, Arbejdsskadesyrelsimi pisortap 2016-imut aalajangersarsimasai, inatsisip atuutilernerata kingorna Arbejdsmarkedets Erhvervssikringimi sulianik allaffissornikkut aqutsinermut atuutissasut imm. 2-mi aalajangersumik siunnersuutigineqarpoq. Akigititat taakku Arbejdsskadestyrelsip nalunaarutaani nr. 1221, 30. oktober 2015-imeersumi, sulisilluni ajoqusernermut isumannaarineq pillugu Kalaallit Nunaanni inatsit malillugu aalajangersagaapput.